

四庫全書

經部

欽定四庫全書

經部

欽定禮記義疏卷三十九

詳校官監察御史_臣莫瞻菴

給事中_臣溫常綬覆勘

總校官庶吉士_臣何思鈞

校對官待詔_臣胡士震

謄錄監生_臣李大綬

欽定四庫全書

欽定禮記義疏卷三十九

內則第十二之一

正義孔氏穎達曰案鄭目錄云名曰內則以其記
男女居室事父母舅姑之法此於別錄屬子法以
閨門之內軌儀可則故曰內則 朱子曰此古學
校教民之書蓋古經也

案中有曾子語疑曾子之徒所記

通論張氏怡曰此篇專主教家者言故名內則然非在人上者命官垂訓下民何能知而由之故首冠以王命冢宰降德

案司徒掌邦教而內則命冢宰布之者冢宰掌王后之內治凡王之膳羞屬焉文王為世子於食上食下皆親在視武王帥而行之則子婦孝敬之事皆王為世子時率妃行之而世為則者也故凡民之家禮亦使布焉王政重養老而孟子曰導其妻

子使養其老故篇中言生子教子養老事似各殊
而意只一貫

后王命冢宰降德于衆兆民

正義鄭氏康成曰后君也

孔疏君謂諸侯王謂天子不先言王辟天子妃后之

嫌也經據諸侯而言王互明天子也

德猶教也萬億曰兆

孔疏億之數有大小二法

其小數以十為等十萬為億十億為兆也其大數以萬為等萬至萬是萬萬為億又從億而數至萬億曰兆億億曰秭兆在億秭之間是大數之法鄭以此據天子天下之民故以其大數言之

天子曰

兆民諸侯曰萬民

孔疏閔元年左傳文

孔氏穎達曰此論子

事父母由后王之教使之然故先云施教之法降下也

餘論呂氏大臨曰內則一篇首言后王命冢宰降德于衆兆民蓋三代所以教天下者皆以是自秦漢以來外風俗而論政事不復以人家事為問矣

存疑鄭氏康成曰周禮冢宰掌飲食司徒掌十二教

此據諸侯

孔疏篇中有飲食有教令諸侯三卿司徒兼冢宰故知據諸侯也

辨正朱子曰注疏言諸侯司徒兼冢宰是也但此上

言后王之命則冢宰寔天子之冢宰耳蓋周禮大宰
掌建邦之六典而二曰教典則教民雖司徒之分職
而冢宰無所不統故以其重者言之其在諸侯則亦
天子之宰施典於邦國而諸侯承之以教其民自不
害於冢宰為司徒之兼官也

子事父母雞初鳴咸盥漱櫛縱笄總拂髦冠綏纓端韞
紳搢笏左右佩用左佩紛悅刀礪小觶金燧右佩玦捍
管籥大觶木燧偃屨著綦

盥古玩反漱所救反徐素邁
反下同櫛側乙反縱所綺反

并古兮反總子孔反髦音毛結耳佳反鞞音必紳音申播音晉又音薦笏音忽紛芳云反或作怗悅始銳反觴許規反本或作鑄燧音遂捍户旦反還時世反徐作滯偪本又作幅彼力反屨九具反綦其記反下同

正義鄭氏康成曰咸皆也縱韜髮者也

孔疏士冠禮云緇纁長六

尺鄭云纁一幅長六尺足以韜髮而結之盧云所以襄髻承冠以全幅疊而用之未知孰是案盧說為優

總束髮也垂後為飾

孔疏裂繒為之束髮之本垂餘于髻後以為飾

拂髦振

去塵著之髦用髮為之象幼時髻其制未聞

項氏安世曰髮

作為髻垂兩眉上陳氏澍曰象幼時翦髮為髻之形孔疏明事親恒有孺子之義

綏纓之飾

也

孔疏結纓領下以固冠結之餘者散而下垂謂之縷

端玄端士服也

孔疏特牲禮士

祭服

庶人深衣

孔疏深衣服之最下者庶人賤故服之

紳大帶所以自

紳約也搢猶扱也扱笏於紳笏所以記事也左右佩

用自佩也必佩者脩尊者使令也紛帨拭物之佩巾

也今齊人有言紛者刀礪小刀及礪礪也小觶解小

結也觶貌如錐以象骨為之金燧可取火於日

陸氏德明

曰燧

捍謂拾也言可以捍弦也

孔疏拾斂也鄉射大射將射謂之遂射罷

拾謂之

管筆彊也帶刀鞞也木燧鑽火也

孔疏皇氏佩云晴則以金

燈取火於日陰則以木燧鑽火也

偈行膝綦屨繫也

孔疏皇氏云屨頭施繫以為行

戒或云著屨時屨自有繫以結于足也

案

孔氏

皇氏所云即約在屨首孔氏所云綦在屨跟

穎達曰自此以下至不敢私祭以上總論在內法則

子事父母婦事舅姑男女出入之禮長幼相事之法

此論子事父母之法也盥謂洗手漱謂漱口緹筭以

緹韜髮作髻既訖橫施此筭於髻中以固髻非固冠

之筭故文在冠上此經所陳皆依事先後櫛訖加緹

緹訖加筭筭訖加總然後加髦著冠冠畢然後服玄

端著鞞又加大帶也 皇氏侃曰左旁用力不便故

佩小物右廂用力為便故佩大物 劉氏彝曰子生

三月翦其胎髮為髻帶之於首男左女右迨其笄冠也則綵飾之加於冠謂之髦者不忘父母生育之恩也父母喪則徹之詩云髦彼兩髦寔維我儀是也右佩玦者護巨指以開弦也捍者著左臂以遂矢也

方氏慤曰左右皆事佩也故言用與德佩異矣德欲純而有常故珩璜琚瑀同其質事則雜而應變故金

石竹木異其材 陳氏祥道曰偁漢謂之行滕凡有
行皆有偁諸侯朝天子子事父母皆有之婦人不用
故婦事舅姑無偁 朱子曰綦鞋口帶也古人皆旋
繫今人只從簡易綴之於上如假帶然 彭氏汝礪
曰大觶解大結當亦用象骨或用鹿骨木燧榆棗桑
柞槐之類

婦事舅姑如事父母雞初鳴咸盥漱櫛縱笄總衣紳左
佩紛悅刀礪小觶金燧右佩箴管線纊施繫袞大觶木

燧衿纓綦屨

衣紳如字又於既反箴之林反線本又作綫息賤反續音曠繫又作繫步干反裘陳

乙反又作帙衿本又作給其鵠反

正義鄭氏康成曰笄今簪也

孔疏婦人之笄異於上男子笄緹故鄭於此注

始云今簪也與士冠禮爵弁笄皮弁笄同故鄭注冠禮亦云笄今之簪也喪服女子吉笄尺二寸朱子曰婦人不冠則所謂笄即為固髻之用亦名為簪而非如二弁之簪矣案上節笄總熊氏云此安髻之笄士喪所謂用桑長四寸緩中者而孔氏亦言在冠上知非固冠之笄矣於此又言與冠弁笄同長尺二寸朱子辨之蓋男婦之笄皆有二種其短者皆以固髻其長者男子以固冠婦人以固被詩所謂副笄六珈者長笄也鄭孔因本文男子言冠婦人衣紳衣而著不言被故并舉言之明婦人有二笄耳

紳

孔疏謂加玄端綃衣而後著紳帶陳氏誥曰士妻之服

繫小囊也繫袞言施

明為箴管線續有之

孔疏熊氏云袞刺也以針刺袞而為繫囊餘物皆不言施獨於

箴管線續之下而言施繫袞明為四物而施

案箴必貯以管而後納之繫二而一也若線則所以紐者

續乃絲綿總

衿猶結也

孔氏穎達曰此論女事父

之為四物

母婦事舅姑所服之衣所佩之物異於男子

存疑鄭氏康成曰婦人有纓示繫屬也

辨正陳氏祥道曰男女事父母婦事舅姑皆有纓以

佩容臭與女子許嫁之纓不同許嫁之纓既嫁夫脫

之無所復用此事舅姑之纓非許嫁之纓也

案本文衿纓在

設左右佩之下則以為容臭之纓是矣而謂許嫁之纓無所復用則亦不然說文嬰兒乳常近母之纓故曰嬰兒蓋纓者以五采聯貝上繫於項下當心胸明有繫屬故許嫁即繫之嫁則夫親脫之此事舅姑之纓則兒乳所近之纓也

以達父母舅姑之所及所下氣怡聲問衣燠寒疾痛苛
瘠而敬抑搔之出入則或先或後而敬扶持之進盥少
者奉槃長者奉水請沃盥盥卒授巾問所欲而敬進之
柔色以溫之饔飧酒醴芻羹菽麥蕡稻黍粱秫惟所欲

棗栗飴蜜以甘之莖荳粉榆免薨滑澹以滑之脂膏以

膏之父母舅姑必嘗之而後退

煨本又作與同於六反
苛音何癢以想反搔素

刀反少詩召反奉芳勇反長竹杖反後皆同溫本又
作蘊同於運反饘之然反醢羊皮反芼毛報反黃字
又作廣扶云反稭音述飴羊之反莖音謹荳音九粉
扶云反免音問薨苦老反滑思酒反澹音髓滑胡八
反以膏
古報反

正義鄭氏康成曰適之也怡說也苛疥也

孔疏以其
苛與癢共

文故知
苛疥也

抑按搔摩也先後之隨時便也槃承盥水者

巾以悅手溫藉也承尊者必和顏色

孔疏言子事父
母當和柔顏色

承藉父母若孔疏配粥也既為粥粥是薄者則饅

蒸藉承玉然為厚者故左傳注云饅粥也爾

推釋言云饅饅也孔疏公食大夫禮三牲皆

郭景純謂糜也有笔牛藿羊苦豕薇也是

笔乃為菜用菜孔疏此中菽豆以下供尊

離肉為羹也者所食悉皆湏熟或煮或

熬黃熬臬實冬用莖鄭注乾則滑夏

莖莖類也冬用莖夏用莖孔疏士虞禮記夏用葵

秋用生葵冬春用乾莖與此不同者此經莖莖對士虞禮葵與莖相對所對不同故注有異榆白

曰粉孔疏釋木云榆白粉郭景純曰免新生者薨乾

也孔疏庖人供魚薨之物免薨相對此經以免對薨

故知免為新生方氏慤曰莖莖粉榆常用而不常

有故有秦人洩曰脩齊人滑曰澹必嘗之而後退者

敬也 孔氏穎達曰此論子事父母婦事舅姑至其
處所奉扶沃盥之儀奉進酒醴膳羞之事以甘之者
謂以棗栗飴蜜以和甘飲食以滑之者謂用堇荳粉
榆相和滑髓之令柔滑以膏之者凝者為脂釋者為
膏沃之使香美此等總謂和飲食也 陳氏澔曰蕢
大麻子滑說文久泔也髓滑也滑滑之滑者也
又曰此篇所記飲食珍羞諸物古今異制風土異宜
不能盡曉然亦可見古人察物之精用物之詳也

通論方氏慤曰於尊者則惟所欲者以血氣既衰養之不可不順也於孺子亦惟所欲者以血氣未充養之亦不可不順也蓋養老慈幼之道不得不然

存疑孔氏頴達曰此免薨於周禮據肉為言熊氏皇氏皆云文承望苴粉榆之下據望苴等為免薨義或為然

案所陳皆養口體之事而養志自在其中饌醢而下皆問所欲而敬進之之節目曰唯所欲曰必嘗之則

其於父母舅姑之志可知矣方氏分下氣而下為養
志饘醢而下為養口體非也

男女未冠笄者雞初鳴咸盥櫛縱拂髦總角衿纓皆
佩容臭昧爽而朝問何食飲矣若已食則退若未食則

佐長者視具

冠古亂反朝直
遙反下而朝同

正義鄭氏康成曰總角收髮結之容臭香物也以纓

佩之為迫尊者

朱子曰恐身有穢氣
觸尊者故佩香物

給小使也昧爽

而朝後成人也具饌也孔氏穎達曰此論未冠笄

者事親之禮臭謂芬芳

方氏曰若蘭茝之物

庾氏蔚之曰臭

物可以修飾形容故謂之容臭以纓佩之者謂纓上

著香物也

方氏慤曰男角女羈此止曰角舉男以

該之也不佩用而止佩臭示未能即事也幼者於視

膳之事未能專之特佐長者而已 陳氏澹曰昧晦

也與明也昧與欲明未明之時

通論張氏怡曰未冠笄未任養老之責然問視已習

孝養之道迨其任事不患不中矣

凡內外雞初鳴咸盥漱衣服斂枕簟灑掃室堂及庭布席各從其事孺子早寢晏起唯所欲食無時

衣如字又於既反簟

徒點反灑又作洒所買反又所賣反婦素報反孺如樹反

正義鄭氏康成曰斂枕簟不欲人見已褻者簟席之親身也孺子小子又後未成人者孔氏穎達曰此總論子婦之外卑賤及僕隸之等方氏慤曰必斂枕簟則晝夜異用也灑用水掃斂塵而去之室堂及庭自內以及外也布席以待尊者之行事各從其事

若女服事於內男服事於外蚤寢未與日入之夕晏
起未與昧爽之朝唯所欲食無時以弱而未勝其制
節且養之不可不脩也

由命士以上父子皆異宮昧爽而朝慈以旨甘日出而
退各從其事日入而夕慈以旨甘

以上或作已上上時
掌反後放此朝直遙

反

正義鄭氏康成曰異宮崇敬也慈愛敬進之 孔氏
穎達曰此論命士以上事親異於命士以下之禮

程子曰父子異宮為命士以上愈貴則愈嚴故異宮
方氏慤曰尊卑之際辨則敬同則褻故居必異宮
所以致敬也然貴者禮詳賤者禮畧故由命士以上
然後父子異宮朝見曰朝夕見曰夕昧爽而朝晨省
之禮日入而夕昏定之禮 又曰周禮典命子男之
士不命則士固有不命者 陳氏澣曰慈以旨甘者
謂敬愛其親以旨甘之味致其愛也

存疑鄭氏康成曰日出從事食祿不荒農也

父母舅姑將坐奉席請何鄉將衽長者奉席請何趾少者執牀與坐御者舉几斂席與簞縣衾篋枕斂簞而襴之

奉芳勇反鄉許亮反衽而幬反又而甚反縣音元篋口協反襴音獨

正義鄭氏康成曰將衽謂更臥處襴韜也須臥乃敷之也 孔氏穎達曰此論父母舅姑將坐將臥奉席等禮早旦親起侍御之人奉舉其几以進尊者使憑之斂此所臥在下大席與上襯身之簞又縣其所臥之衾以篋貯所臥之枕簞既襯身恐其穢污故以襴

韜之席則否 劉氏彝曰侍父母舅姑行遊所至將
坐則長者奉席而前請欲何趾所以安老而優尊也請
長者奉席而前請衽欲何趾所以安老而優尊也請
必長者長幼之禮然坐而起寢而興几席之徹衾枕
之斂則賤者尸之不必子婦也 陳氏澔曰牀說文
曰安身之几坐非今之臥牀也 陸氏佃曰恭坐則
席

案坐陽故請向臥陰故請趾此偶憩之時若居主與

則向東君子之寢恒東首則趾西不必請矣長者請而少者即如其命以設之若少者力不勝牀則亦御者設之坐定然後授几臥起然後斂席言長少御者人之序言奉執舉斂事之序也

父母舅姑之衣衾簟席枕几不傳杖屨祇敬之勿敢近敦牟卮匱非餒莫敢用與恒食飲非餒莫之敢飲食

傳文

專反敦音對又丁雷反牟木侯反卮音支匱羊支反一音以氏反餒音俊

正義鄭氏康成曰傳移也牟讀曰墜

孔疏隱義曰墜土釜今以木為

器象土

卮酒漿器

孔疏卮酒器卮盛水漿器左傳傷二十三年懷嬴奉卮沃盥

釜形

敦牟黍稷器

孔疏周禮有玉敦今杯孟

餒乃用之恒常也旦夕之

常食餒乃食之

案古者五十異糧

孔氏穎達曰此論父母

舅姑所服用之物子婦不得輒用所恒飲食之饌不得輒食衣衾簟席枕几侍御之人停貯常處子婦不得輒傳移嚮他處杖屨是尊者服御之重彌湏恭敬故弗敢偏近與及也接上敦牟之文非但不敢用及父母常食飲食非因餒時莫敢飲食

父母在朝夕恒食子婦佐餽既食恒餽父沒母存冢子御食羣子婦佐餽如初旨甘柔滑孺子餽

正義鄭氏康成曰婦皆與夫餽也每食餽而盡之末

有原也

孔疏原再也佐餽者以父母食不能盡故子婦食之使盡勿使有餘而再設也

御侍

也謂長子侍母食也侍食者不餽其婦猶皆餽也

孔氏穎達曰此論父母之食子婦餽餘之禮子婦者長子及長子之婦羣子婦謂冢子之弟及衆弟婦也如初者如上父母在子婦佐餽之禮 陳氏澠曰佐

餒者勸勉之使食而後餒其餘也 方氏慤曰旨甘

柔滑老幼之所宜食故父母食之孺子餒之 輔氏

廣曰父没母存食則獨矣恐母心之傷也故冢子御食焉

案婦無專制既嫁從夫故食必同牢夫死從子故冢子御食即一食不敢專也

在父母舅姑之所有命之應唯敬對進退周旋慎齊升降出入揖避不敢噦噫嚏咳欠伸跛倚睇視不敢唾涕

寒不敢襲瘡不敢搔不有敬事不敢袒裼不涉不擽褻
衣衾不見裏父母唾洩不見冠帶垢和灰請漱衣裳垢
和灰請澣衣裳綻裂紉箴請補綴五日則燂湯請浴三
日具沐其閒面垢燂燂請澣足垢燂湯請洗少事長賤

事貴共帥時

唯于癸反齊側皆反噦於月反噫於界反
噫音帝咳苦愛反欠邱劍反伸音申跛彼

義反睇大計反唾吐臥反涕吐細反洩他計反與涕

同袒音但裼思歷反擽居衛反見賢遍反垢古口反

漱素侯反澣戶管反綻字或作綻直覓反紉女陳反

箴之林反綴丁劣反又丁衛反燂詳廉反澣芳煩反

饋音

悔

正義鄭氏康成曰齊莊也睇傾視也易曰明夷睇于

左股

案今易作夷于左股

襲謂重衣擐揭衣也不見裏為其可

穢父母唾洩不見輒刷去之手曰漱足曰澣

孔疏此對文若

散文則諸母不漱裳詩薄澣我衣皆通也

和漬也綻猶解也潘米瀾也帥

循也時是也共猶皆也禮皆如此也 孔氏穎達曰

此論事父母舅姑在尊者之所畏敬之法并論漱澣

沐浴并明少事長賤事貴如事父母舅姑冠帶尊故

以手漱之用力淺也衣裳卑故以足澣之用力深也

吳氏澄曰有命之謂或呼之或問之也呼之則應
唯而不敢諾問之則對敬而不敢慢或進而趨尊者
之前或退而去長者之側其周迴旋轉容顏皆謹慎
而不肆齊一而不二堂階或升或降室戶或出或入
舉手為容曰揖舉足行步曰遊當此六者之時皆不
敢有噦噫等類不恭之事 陳氏濬曰噦嘔逆之聲
也氣乏則欠體疲則伸偏任為跛依物為倚湊自鼻
出者 方氏慤曰噦噫嚏咳則聲不恭欠伸跛倚睇

視則貌不恭唾洩則聲貌俱不恭故不敢為也寒不敢襲癢不敢搔不敢適己之便故也

辨正朱子曰敬事如習射之類射而袒裼乃為敬若以勞倦袒裼則是不敬唯涉水而後擽若不涉而擽則是不敬言若非敬事雖勞不敢袒若非涉水雖盛暑不敢褰裳也

男不言內女不言外非祭非喪不相授器其相授則女受以篚其無篚則皆坐奠之而后取之外內不共井不

共沐浴不通寢席不通乞假男女不通衣裳內言不出

外言不入男子入內不嘯不指夜行以燭無燭則止女

子出門必擁蔽其面夜行以燭無燭則止道路男子由

右女子由左

篋非尾反逼彼力反本又作
偏嘯注作叱尺失反今如字

正義鄭氏康成曰男不言內女不言外謂事業之次

序授器祭嚴喪遽不嫌也

孔疏祭是嚴敬之處喪是
但遽之所於此之時不嫌

男女有淫邪之意故特相授受
如執醴執鐙授夫人薦豆執校尸
酢夫人執柄夫人授尸執足喪得
相授受者如管人汲授御者
御者入浴毋喪則內御者受之而浴是也

奠停地

也

陳氏澔曰非喪祭二者女必執篚使授者置篚中而受之無篚則授者跪而奠諸地受者亦跪就地

之以取

溲浴室也擁猶障也男子由右地道尊右也

劉氏義曰不共井嫌同汲也不共溲浴嫌相褻也不通寢席嫌相親也不通乞假嫌往來也不通衣裳惡淆雜也內言不出惡交於外外言不入惡交於內也入內嘯歌則涉乎邪指則涉乎覘也輔氏廣曰井溲一定故言不共寢席衣衾可移易故言不通無燭則止自防者至矣

存疑鄭氏康成曰嘯讀為叱叱嫌有隱使也

辨正陳氏澔曰不嘯不指謂聲容有異駭人視聽也
舊讀嘯為叱如見非禮舉動安得不叱以儆之乎讀
如本字為是

子婦孝者敬者父母舅姑之命勿逆勿怠若飲食之雖
不耆必嘗而待加之衣服雖不欲必服而待加之事人
代之已雖弗欲姑與之而姑使之而后復之

飲於鵠反
食音嗣耆

市志
反

正義鄭氏康成曰勿逆勿怠恐恃其孝敬之愛或時

違解也嘗而待後命而去服而待後命釋箴也

已弗欲謂難其妨已之業也

孔疏業欲成于己不欲他人代已致妨已業

姑且也而后復之遠懟怨於勞事也

案鄭意謂此勞事而使人代已

恐人怨親愛已而移苦于彼故復之

孔氏穎達曰此論子婦事父母

舅姑受飲食衣服之事

應氏鏞曰此非故為矯情

蓋委曲以行其意必如是而後無所拂于親也

案姑使之勿敢逆也后復之勿敢怠也

子婦有勤勞之事雖甚愛之姑縱之而寧數休之子婦未孝未敬勿庸疾怨姑教之若不可教而后怒之不可怒子放婦出而不表禮焉

縱本又作從並用反數色角反

正義鄭氏康成曰寧數休之不可愛此而移苦於彼

也

孔疏不可移此于他不愛之子婦也

庸之言用也怒譴責也表猶明

也猶為之隱不明其犯禮之過也孔氏穎達曰此

論尊者接待卑者之禮不可怒謂教之不從雖怒責之而猶不從命者子被放逐婦被出棄然猶為之隱

也

通論輔氏廣曰子曰愛之能勿勞乎勤勞之事若遽止之是姑息之愛也子婦未孝未敬勿庸疾怨敷教在寬也子婦放逐不得已也不表禮焉是猶有不忍之心也應氏鏞曰自子婦孝者敬者而下勉子婦之孝於父母舅姑自子婦有勤勞之事而下勉父母舅姑之慈於子婦

父母有過下氣怡色柔聲以諫諫若不入起敬起孝說

則復諫不說與其得罪於鄉黨州閭寧孰諫父母怒不說而撻之流血不敢疾怨起敬起孝

說音悅下同
撻吐達反

正義鄭氏康成曰子事父母有隱無犯起猶更也子從父之令不可謂孝周禮曰二十五家為閭四閭為族五族為黨五黨為州五州為鄉撻擊也孔氏穎達曰此論父母有過子諫諍之禮犯顏而諫使父母不說其罪輕畏懼不諫使父母得罪於鄉黨州閭其罪重二者之間寧可孰諫謂純孰殷勤而諫若物之

成熟然也

吳氏澄曰謂父母有過則當下其氣怡

其色柔其聲以諫欲其婉順不迫以冀父母之悅而從已如此以諫而父母不從則又益加孝敬以感動之俟其說而再諫若其不說則將不諫乎蓋不可也與其不諫而使父母得罪於鄉黨州閭之人寧孰諫而使已取怒於父母也復諫者再諫也孰諫者至三至四而猶未已如火之孰物必期變化若父母怒已之言其心不說而施箠撻於已雖甚而至於流血亦

不敢有疾怨於父母惟當益加孝敬以感動之而圖
孰諫也

通論馬氏晞孟曰孟子云親之過大而不怨是愈疏
也親之過小而怨是不可磯也愈疏不孝也不可磯
亦不孝也荀子曰可以從而不從是不子也未可以
從而從是不衷也不子不孝也不衷亦不孝也夫明
乎從不從之義而以恭行之然後可以諫明乎怨不
怨之理而以愛守之然後可以怨

父母有婢子若庶子庶孫甚愛之雖父母沒沒身敬之不衰子有二妾父母愛一人焉子愛一人焉由衣服飲食由執事毋敢視父母所愛雖父母沒不衰子甚宜其妻父母不說出子不宜其妻父母曰是善事我子行夫婦之禮焉沒身不衰

說音悅

正義鄭氏康成曰婢子所通賤人之子由自也宜猶善也應氏鏞曰婢子賤微而可遺庶孽賤微而可忽然父母有所鍾愛焉非特加愛而又當加敬至妻

妾之切近吾身者而亦唯父母是聽知有親而不知有已也父母沒而不衰蓋雖沒而念之愈深則其敬與愛宜其不衰也 陳氏澔曰沒身終身也父母之所愛亦愛之至於犬馬盡然而況於人乎

存異黃氏震曰婢子古說謂婢之子則與下文庶子意重合如曲禮之婢子直言婢耳

案婢子婢所生鄭說是也若左傳州吁嬖人之子庶子則妾所生凡左右媵之子皆是婢子賤庶子貴先

賤于貴者為加愛敬于是尤難也

父母雖沒將為善思貽父母令名必果將為不善思貽

父母羞辱必不果

貽以之反

正義鄭氏康成曰貽遺也果決也 方氏慤曰將者

萌其始之謂果者成其終之謂善不善亦在乎思不思果不果之間而已易曰君子以果行育德

通論輔氏廣曰檀弓曰喪三年以為極亡則弗之忘矣於此可見也曾子曰五者不遂裁及其親敢不敬

乎又曰父母既沒謹行其身不遺父母惡名可謂能終矣

舅沒則姑老冢婦所祭祀賓客每事必請於姑介婦請於冢婦舅姑使冢婦毋怠不友無禮於介婦舅姑若使介婦毋敢敵耦於冢婦不敢並行不敢並命不敢並坐

友依注
如字

正義鄭氏康成曰姑老謂傳家事於冢婦也必請於姑者婦雖受傳猶不敢專行也介婦衆婦也請於冢

婦以其代姑之事毋怠者雖有勤勞不敢解倦也善

兄弟為友娣如猶兄弟也毋敢敵耦雖有勤勞不敢

掉磬

孔疏崔氏云北海人謂相激之事為掉磬隱義云齊人謂相絞訐為掉磬

命為使命

皆下冢婦也 孔氏穎達曰此論婦事舅姑之禮并

明冢婦介婦相與之節 輔氏廣曰舅沒則姑老有

婦可以傳家事矣然祭祀賓客禮之大者亦必請命

於姑然後從事夫然後婦姑各得其宜介婦不敢敵

耦於冢婦必如是而後冢婦之志行而家事宜 方

氏慤曰冢子之妻謂之冢婦毋怠者不以居長而敢
自怠也兩相抗為敵兩相合為耦言事之勞逸介婦
不敢與冢婦均不敢並行並坐亦毋敢敵耦之事也
陳氏澔曰介婦與冢婦分有尊卑非惟任事毋敢
敵耦且不敢比肩而行不敢並受命於尊者不敢並
出命於卑者蓋介婦當請命於冢婦也坐次亦必異
列徐氏師曾曰介婦不請於姑而但請於冢婦明
有統且懼瀆尊也

通論張氏怡曰年老傳家事於冢婦姑之道也每事必請於姑毋怠不友無禮於介婦冢婦之道也毋敢敵耦於冢婦介婦之道也婦性多妬閨門之內婦孝姑慈冢介相得則家無不理矣

存疑孔氏穎達曰舅姑年七十以上傳家事於長子其婦亦從夫知家事若舅沒姑未老則其婦不得專知家事 王氏曰友當作敢

存異鄭氏康成曰不友無禮衆婦無禮冢婦不友之

孔疏不友之者
以其無禮故也

辨正朱子曰註說恐未然 項氏安世曰舅姑使冢
婦毋怠不友無禮於介婦言舅姑若任使冢婦冢婦
毋得以尊自怠而凌辱衆婦令其代已也不友謂煩
虐之無禮謂麾叱之怠也不友也無禮也三者皆當
以毋字統之下文云舅姑若使介婦毋敢敵耦於冢
婦不敢並行不敢並命不敢並坐亦謂得恃舅姑之
使令而傲冢婦也兩節皆主使令言之 輔氏廣曰

舅沒則姑老不以年計

案禮夫死從子祭祀賓客子主之則子之婦為內主矣孔疏顯與經遠

凡婦不命適私室不敢退婦將有事大小必請於舅姑子婦無私貨無私畜無私器不敢私假不敢私與婦或賜之飲食衣服布帛佩悅茝蘭則受而獻諸舅姑舅姑受之則喜如新受賜若反賜之則辭不得命如更受賜歲以待之婦若有私親兄弟將與之則必復請其故賜

而后與之

畜許六反蒞昌改反又作芷醜止反復扶右反

正義鄭氏康成曰不命不敢退婦侍舅姑者也事必請於舅姑不敢專行也無私家事統於尊也或賜之

者謂私親兄弟

孔疏以下文云若有私親兄弟故知此或賜為私親兄弟賜也藏以

待之待舅姑之乏也不得命者不見許也孔氏穎

達曰若舅姑不乏而私親兄弟既貧將欲以物與之

不敢別請其財必於舅姑處復請其故賜所藏之物

舅姑既許然後取而與之方氏慤曰私室即婦室

視舅姑之室若公所故也舅沒冢婦惟祭祀賓客之事則請於姑獻諸舅姑不敢私受也請其故賜而後與之不敢私與也 吳氏澄曰貨謂所儲資財之物畜謂所養畜牲之物器謂飲食等所用之物假謂以物借人與謂以物與人也佩謂雜佩悅謂帨巾茝一作芷即香白芷也蘭似澤蘭二物皆香草乾燥則囊而佩之於身取其芳馨也既以獻諸舅姑舅姑雖不受不敢視為己物也惟飲食不可留其餘可留之物

亦不敢私用藏之以待舅姑乏而欲有所用之時則將此物與舅姑用之也

案私假謂假物於人與下與字對猶言取與也故賜陳氏謂即前所獻之物而舅姑不受者與孔疏義同但凡平日舅姑所賜而婦以藏之私室者皆得以請不請而與不可耳

適子庶子祇事宗子宗婦雖富貴不敢以富貴入宗子之家雖衆車徒舍於外以寡約入子弟猶歸器衣服裘

衾車馬則必獻其上而后敢服用其次也若非所獻則不敢以入於宗子之門不敢以貴富加於父兄宗族若富則具二牲獻其賢者於宗子夫婦皆齊而宗敬焉終事而后敢私祭

遠丁歷反齊側皆反

正義鄭氏康成曰祗敬也宗大宗以寡約入謂入宗

子家猶若也子弟若有功德以物見饋賜

案賜謂君賜

當

以善者與宗子非所獻謂非宗子之爵所當服也加

猶高也獻其賢者賢猶善也

孔疏富具二牲獻善者于宗子使祭其不善者

用以自祭
不言貴省文也

案夫婦皆齊當助祭於宗子之家也私

祭祭其祖禰

孔疏大宗祭竟而後敢私祭為繼禰之宗則待繼祖之宗祭竟而後

自祭禰身為繼祖之宗則待繼高曾之宗祭竟而後自祭祖禰上至大宗亦然

孔氏頴達

曰此論族人敬事宗子之禮適子謂父及祖之適子

是小宗也庶子謂適子之弟宗子謂大宗子宗婦謂

大宗子之婦也言小宗子及庶子等敬事大宗子及

宗婦也方氏慤曰父兄宗族彼賤而我貴彼貧而

我富而我以貴富服御入其門則是以貴富而加賤

貧也終事而後敢私祭者蓋宗之親為正統已之親為旁出也正統之有祭公義也旁出之有祭私恩也則是不以旁出先正統不以私恩勝公義也

通論輔氏廣曰不以貴富入宗子家此不專為宗子於父兄宗族皆不可也 孔氏穎達曰此文雖主事大宗子其大宗之外事小宗子者亦然 張子曰祭祖為公祭對祖而言則祭父為私祭其他推此皆然

案對大宗言則四小宗亦為私祭

呂氏大臨曰庶子不祭祖與禰

明其宗也傳曰子不私其父則不成為子故兄弟生而異宮所以盡子之私養及其沒也必祭於其宮而其子主祭其祭也必告於宗子而後行不得而專亦所以明其宗也宗子有祭必先與焉卒祭而後祭其父故曰支子不祭祭必告於宗子

餘論朱子答李晦叔曰兄弟異居廟初不異只合兄祭而弟與執事或以物助之為宜有相去遠者則兄設主弟不立主只於祭時旋設位以紙榜標記逐位

祭畢焚之如此似亦得禮之變 陳氏祥道曰荀卿
曰大夫士有常宗左傳曰大夫有貳宗蓋由士以上
莫不知尊祖禰知尊祖禰則尊者常宗當其為宗則
宗子統族人於外主婦統族婦於內賢者不敢干其
任貴者不敢擅其祭衆車徒不敢以入其門凡以尊
正統而一人之情也

飯黍稷稻粱白黍黃粱稭樵膳腳臠醢牛炙醢牛臠
醢牛膾羊炙羊臠醢豕炙醢豕臠豕臠芥醬魚膾雉兔鶉鷄

稽思呂反。樵側角反。腳音香。臙許云反。臙許克反。炙章夜反。載側吏反。臙古外反。芥姬邁反。鷄順倫反。鷄

晏音

正義鄭氏康成曰飯目諸飯也黍黃黍也

孔疏下言白黍則上

黍是黃黍下言黃梁則上梁是白梁熟獲曰稽生獲曰樵

孔疏樵是斂縮之名明以

生獲故其物縮斂也稽既對樵故為熟獲陸氏佃曰樵若今早稻食之而已稽晚稻耐收故說文云稽晚梁樵早熟穀也方氏慤曰飯者食之本製造當及其生熟之宜案二說頗異今江南早稻名秈六

十日即可獲但收少性剛食之令人有力宜於少者晚稻名粳柔美宜於老人一名糯更柔味美然使人

少膳目諸膳也

孔疏豆上所盛美膳謂羹與載醢之屬

此上大夫禮庶

羞二十豆也以公食大夫禮饌校之則腍牛炙閒不

得有醢醢衍字

孔疏公食大夫禮二十豆者腍一牛醢也醢二羊臠也腍三豕臠也牛炙

四炙牛肉也四物為一行最在於北從西為始醢五肉醬也牛臠六謂切牛肉醢七牛臠八四物為第二行陳之從東為始羊炙九羊臠十醢十一豕炙十二四物為第三行陳之從西為始醢十三豕臠十四芥醬十五魚臠十六四物為第四行陳之從東為始以上十六豆是下大夫禮雉十七兔十八鷄十九鷄二十此四物為第五行陳之從西為始是上大夫所加二十豆

又以鷄為駕

孔疏釋鳥云駕

鷄母郭氏云謂鷄皇氏賀氏云駕蝙蝠其義未聞

孔氏穎達曰自此至薑

桂一節總論飯飲膳羞調和之宜又明四時膳食所

用并明善惡治擇之等又顯貴賤所食之別案玉藻諸侯朔食四簋黍稷稻粱天子則加以苽麥為六種

但記文不載耳

案本文謂諸侯所食飯有此六者黍梁黃白或用其一則仍四簋耳或疑

其自疾非也

方氏慤曰飯自黍稷而下皆言其材也牛

曰腳薺也土畜羊曰臠熏也火畜豕曰脍水畜皆以其氣臭名之

通論陸氏佃曰飲與酒以養陽氣名之食與飯以養陰氣名之

存疑熊氏安生曰此經醢文承牛羊之下則是牛肉
羊肉之醢以其庶羞故得用三牲為醢若其正羞則
不得用三牲故醢人職無三牲之醢也 陸氏佃曰
醢目諸醢也脯羹雞羹從麥食不貴非食也牛炙醢
醢所以食炙牛馘醢醢所以食馘牛膾不言醢蒙上
醢也羊炙羊馘同醢下於牛也豕炙豕馘中醢變於
羊也魚膾上芥醬變於豕也

案熊陸二說並可通然不若鄭據公食大夫禮為可

信

飲重醴稻醴清糟黍醴清糟梁醴清糟或以醴為醴黍

醴漿水醴濫酒清白羞糗餌粉醴重直龍反糟子曹反醴自反醴於紀反

徐於力反濫力暫反糗起九反餌音二下同醴依注為饗又作餼之然反又之善反

正義鄭氏康成曰飲目諸飲也重陪也糟醇也清汙

也致飲有醇者有汙者陪設之也孔疏清糟相配重設也周禮漿人共

王之六飲水漿醴涼醫醴不云糟也夫人致飲於賓客清醴醫醴糟三物皆備清糟不體王得備之也后

致飲賓客醫醴糟不清與王同體屈也陸氏以醴細曰有清有糟諸侯禮天子清大夫以下糟

為醴釀粥為醴也

案醴粥之薄者不釀曰醴下黍醴是也釀之則為醴一而二矣

酏粥也漿酢觥水清醴醴梅漿濫以諸和水也

陸氏德明

曰乾桃乾梅皆曰諸

以周禮六飲校之則濫涼也紀莒之間名

諸為濫

孔疏周禮漿人掌王六飲水漿醴涼醫酏此經水漿二者同醴即重醴但用清耳涼此濫

醫此以酏

為醴酏此黍酏也除六飲外此經別有醴

鄭司農合

醴與醫為一物謂即以酏為醴者非康成

義也康成

知酏為梅漿者下有食之以醴若醴醴獸

用梅醴是

醴類故知梅漿也酒正辨四飲之物清醫

漿酏無水

涼鄭謂無厚薄之齊不必辨也又鄭云涼

寒粥又名

濫者以諸雜糗飯和水也案明齋王氏

謂涼字從

冰旁即冰水也濫者飲之別名蓋濫雜也

雜以五味

皆可飲若今飴湯薑湯鹽湯故列之末非

必雜以糗飯也

酒目諸酒也白事酒昔酒也

孔疏清謂清酒也事酒昔酒皆

白故以一白標之配清酒則三酒矣不言五齊以祭祀獻神所飲非人常用故也

案周禮注事酒酌有

事者今醴酒昔酒舊醴者清酒冬釀夏成

羞目諸羞也周禮羞籩之實糗

餌粉簋

孔疏鄭注云合蒸曰餌餅之曰簋皆粉稻黍米為之擣粉熬大豆為餌簋之粘著故以粉

糗擣之

羞豆之實配食糝食糗擣熬穀以為粉餌與簋

此記似脫

孔疏據周禮粉下有簋今無知脫更以配益之

配當為簋

孔疏黍配非膳

羞所用配食與糝食連文知必糝類

以稻米與狼臠膏為饗是也

陸

氏佃曰糗餌籩人所謂糗餌言糗餌則簋可知粉配

醢人所謂醢食言粉醢則糝可知四者謂之差則以甚美故也

存疑陳氏澔曰周禮羞籩之實糗餌粉糝此醢字當讀為糝記者誤耳

食蝸醢而苾食雉羹麥食脯羹雞羹折稊犬羹兔羹和糝不蓼濡豚包苦實蓼濡雞醢醬實蓼濡魚卵醬實蓼濡鼈醢醬實蓼脩蚘醢羹兔醢麋膚魚醢魚膾芥醬麋腥醢醬桃諸梅諸卵鹽

食音嗣下苾食麥食食齊皆同徐如字蝸刀戈反苾

音孤字又作菰同雉羹絕句脯羹雞羹絕句折之列
反徐音杜和胡臥反糝三敢反蓼音了濡音而下同
包伯交反醯音海一本作醢呼兮反卵醬之卵依注
音鯢古門反脰丁亂反蚘直其反卵鹽之卵力管反

正義鄭氏康成曰食目人君燕食所用也菰彫胡也

稌稻也脯謂析乾牛羊肉也凡羹齊宜五味之和米

屑之糝蓼則不矣凡濡謂烹之以汁和也

孔疏烹羹以其汁調

和苦苦荼也以包豚殺其氣卵讀為鯢鯢魚子或作

攔

陸氏德明曰本又作捫孔疏鳥卵非為醬之物今卵醬承濡魚之下宜是魚類故讀為鯢也

股

脩捶脯施薑桂也蚘蚘蜉子也膚或為胖切肉也

孔疏

以正膚在組
故知切肉

卵鹽大鹽也

孔疏以其鹽形似鳥卵

自蝸醢至此

二十六物

吳氏澄曰食物三羹物五濡物四醢物四醬物二醢脩麋脯魚膾麋腥桃諸梅諸卵

鹽七物各一

共二十六物脯羹再出醢醬三出醢醬即肉醬也與卵醬芥醬為類

似皆人君

燕所食也

孔疏周禮掌客諸侯相食皆鼎簋十有二其正饌與此不同公食大夫禮與此又異

故疑是人君燕食也

徐氏師曾曰諸侯食無芥麥或天子與

其饌則亂

孔疏上陳庶羞依牲

大小先後此則不依牲之次第是上下雜亂也

孔氏穎達曰以蝸為醢以

芥米為飯以雉為羹三者味相宜以麥為飯析脯為

羹又以雞為羹三者亦味相宜細折稻米為飯以大

兔為羹三者亦味相宜此等之羹宜以五味調和米屑為羹不須加蓼也濡豚之時包裹豚肉以苦菜殺其惡氣濡雞加之以醢及醬濡魚以魚子為醬濡鼈加醢醬四者皆破開其腹實蓼於其中又更縫而合之以煮也食膾脯之時以蜆醢配之食析脯為羹以兔醢配之食麋膚以魚醢配之食麋生肉之時還以麋醢配之食桃諸梅諸之時以卵鹽和之諸菹也即今之藏桃藏梅也欲藏之時必先稍乾之故周禮謂

之乾糲

陳氏澔曰食之則和以卵鹽

方氏慤曰蝸蝸牛即虺蜥

也其殼曷而首有角其肉可以為醢故周官鼈人共之以授醢人芘即周官六穀之芘也和糲不蓼謂既和之以糲則不加蓼也蓼味辛或用或否以其性味各有所宜故也濡豚猶曲禮所謂濡肉蓋和之以清者陸氏佃曰暇鍛煉之使精脩脩節之使雅

通論劉氏彝曰士庶不脩物其有者如此法制之以敬祭祀則鬼神享以奉燕飲則賓客樂以饌尊親則

衰病宜之其在教也為婦功焉聖人所以致子婦於孝敬惜衰老於充肥者其道如是也

凡食齊視春時羹齊視夏時醬齊視秋時飲齊視冬時

凡和春多酸夏多苦秋多辛冬多鹹調以滑甘牛宜稌

羊宜黍豕宜稷犬宜粱鴈宜麥魚宜苽

齊去聲

正義鄭氏康成曰飯宜溫羹宜熱醬宜涼飲宜寒多

酸多苦多辛多鹹多其時味以養氣也

孔疏經方春不用酸夏不

用苦謂壯者減其味以殺盛氣此恐虛羸故多其時味以養氣也

案食醫注云尚其時味而甘以成之

猶水火金木之載于土

牛宜稌已下言其氣味相成

孔疏上以犬羹配折

徐人君燕食以滋味為美此一節皆周禮食醫文乃正食也

方氏慤曰氣之溫

涼寒熱異宜味之酸苦辛鹹異等因時適宜以辨其等未始不齊也故謂之齊食齊黍稷稌粱之類羹齊雉兔雞犬之類醬齊醯醢醢菹之類飲齊水漿醴涼之類可否相濟謂之和酸以養骨苦以養氣辛以養筋鹹以養脉甘以養肉肉則肌膚之所包而欲其緩滑以養竅竅則內外之所通而欲其利故調以滑甘

而利其竅緩其肉焉 黃氏裳曰天有四氣人有五
臟一氣不脩物受其病五臟亦然四齊相廢則或養
其一臟而遺其四害不淺矣四味一多慮其不通滑
以調之慮其不和甘以調之四時之氣各欲其強而
運四味之所養分於四臟者脾也載四行之所用均
於四時者土也調甘滑以養脾而後脾能運四味以
行焉四齊所視不失其時四和所多不失其節矣牛
羊豕犬鴈魚天產也以為膳養人之精稌黍稷粱麥

瓜地產也以為食養人之形精不足於養則氣衰形不足於養則氣殆膳食之養不可廢膳食之宜不可失則又會其所宜致其所養焉

通論劉氏彝曰周官食醫掌和王之六食六飲六膳百羞百醬八珍之齊而曰凡君子之食恒放焉此大司徒得以施諸教人子皆視此以養親也

春宜羔豚膳膏薺夏宜牀鱸膳膏臊秋宜犢麋膳膏腥

冬宜鮮羽膳膏羶

薺音香牀其居反鱸本又作牖所求反臊素刀反麋音迷腥音星羶升然

反

正義鄭氏康成曰牯乾雉也

孔疏士相見禮云冬執雉夏執牯故知牯為乾

雉

鱮乾魚

案庖人疏云牯鱮同是夏用之牯既是乾雉明鱮是乾魚

鮮生魚也

孔疏

鱮既為乾魚故鮮為生魚月令季冬獻魚王制獺祭魚然後虞人入澤梁是冬魚成也

羽鴈也

孔疏羽族既多而冬來可食者唯鴈

此八物四時肥美也

孔疏羔豚物生而肥犢麋

物成而充牯鱮瞋熱而乾魚鴈水涸而性定

為其大盛煎以休廢之膏節

其氣也牛膏鄉犬膏臊雞膏腥羊膏羶

孔疏牛土春木王則廢犬

金夏火王則廢雞木秋金王則廢羊火冬水王則廢又曰此一經周禮庖人文方氏慤曰牛之土助養

脾犬之金助養肺雞之木助養肝羊之火助養心也
案鄭謂膳以節物氣之大盛方謂膳以助臟氣之

時表二義相足

賈氏公彥曰煎和之謂膳

案周禮庖人言行此言宜行者用也宜者當也惟宜
故行其說互相脩耳

牛脩鹿脯田豕脯麋脯麇脯麋鹿田豕麇皆有軒雉兔
皆有芼爵鷄蜩范芝栢菱棋棗栗榛柿瓜桃李梅杏楂

梨薑桂

麇九倫反本又作麇又作麇下同軒依注作憲
蜩音條栢音而本又作櫛菱音陵棋音矩棗側

中反柿音侯
楂側皆反

正義鄭氏康成曰脯皆析乾其肉也軒讀為憲憲謂

藿葉切也芼謂菜釀也軒或為胖蜩蟬也范蜂也淩

芟也牛脩至薑桂三十一物皆人君燕食所加庶羞

也

孔疏大夫燕食有膾無脯故知此是人君燕食周禮邊人醯人正羞唯棗栗榛桃無以外雜物故知

所加

周禮天子羞用百有二十品記者不能次錄

孔疏

庶羞

既多不能依次條錄但錄諸侯燕食而已亦不能依次也

孔氏穎達曰麋鹿

田豕麇非但為脯又可腥食食時皆以藿葉起之而

不細切故云皆有軒不云牛者牛唯可細切為膾不

宜大切為軒雉羹兔羹皆有芼菜以和之芝栢者庾蔚云無華葉而生曰芝栢盧氏曰芝木芝也王肅云無華而實者名栢皆芝屬則芝栢是一物賀氏云芝木栢栢軟棗以芝栢為二物非也彭氏汝礪曰麋麋也

通論劉氏彝曰四時之和氣可以脯可以乾可以醢可以藏以脩乎老者之所欲也士庶之力雖不得畢脩有則儲之亦子婦所以盡於敬孝也

存疑鄭氏樵曰爾雅注栢茅栗郭云江東呼栢栗

陳氏澔曰江淮呼小栗為栢栗棋形似珊瑚味甘美
一名白石李 吳氏澄曰所記蓋三十二物牛脩至
范十五物飛走之味芝至黎十五物草木之味其末
薑桂二物則調和者也

案鹿山獸能補陽麋澤獸能補陰月令仲夏鹿角解
仲冬麋角解二獸迴別而趙氏岐云麋鹿之大者則
混而一之芝生於地為地耳小曰卷耳通謂之芝生

於木為木耳有黑有白通謂之栳若賀所云軟棗鄭
樵所云栳栗則皆果屬非芝類矣山查小如指梨大
如拳亦有頗小而味酸澁似查者謂之查梨總之品
物或古今異名南北異產不可勝窮况鄭言天子庶
羞百二十品記者不能次錄則三十一物固已而吳
氏三十二物說亦得脩一義也

大夫燕食有膾無脯有脯無膾士不貳羹馘庶人耆老
不徒食

正義鄭氏康成曰尊卑差也 孔氏穎達曰鄭志曰
脯非食穀此燕得食脯者謂食不專用脯若有餘饌
則兼有脯士不貳羹馘者謂士燕食也 黃氏裳曰
膾脯是食之珍味而大夫燕居常食不得兼之羹馘
為食之本而士燕居常食亦不得兼之降及庶人唯
耆老乃不徒食謂七十者無故可食肉矣故云庶人
無故不食珍也

存異孔氏穎達曰此接上人君燕食因明大夫士庶

人燕食不同若朝夕常食則下云羹食自諸侯已下
至於庶人無等

案上經所陳既非諸侯所食又非公食大夫禮特人
君燕食所加庶羞也不應此燕食忽指正燕禮食禮
也此節文義趨重末句言大夫士雖貴亦有所不兼
唯老則庶人亦不待食以優老也起下文養老之意
耳

膾春用蔥秋用芥豚春用韭秋用蓼脂用蔥膏用薤三

牲用藪和用醯獸用梅鶉羹雞羹駕釀之蓼魴鱣烝離

燒雉鄉無蓼

薤戶界反一本作醢藪魚氣反魴音房鱣音叙烝皇絕句賀讀烝離為句離仕俱反

皇讀雉鄉為句

正義鄭氏康成曰芥芥醬也

孔疏上謂魚膾芥醬則謂秋時用芥芥辛於秋

宜也脂肥凝者釋者曰膏藪煎菜萸也漢律會稽獻焉

爾雅謂之檄

孔疏賀氏云今蜀郡作之九月九日取枝連實長四五寸一升實可和十升膏

陸氏德明曰似菜萸而實赤小能殺虫案本草藪一作艾此食菜萸非吳菜萸也

故曰菜萸類

和用醯者畜與家物自相和也獸用梅者亦

野物自相和也釀謂切雜之駕在羹下烝之不羹也
燒烟於火中也薺蘇荏之屬也此皆言調和菜釀之
所宜也 孔氏穎達曰此論調和飲食之宜鶉羹雞
羹者用鶉用雞為羹駕唯烝煮之而已不以為羹釀
謂切雜和之言鶉羹雞羹及烝之者皆釀之以薺鮐
鰠二魚皆烝熟之雞鳥之小者火中燒之然後調和
雉或燒或烝或可為羹其用無定故直云雉也鮐鰠
烝及雞燒并雉等三者調和唯以蘇荏之屬無用薺

也

案或曰釀者用諸酒薌者羹用蘇言鶉雞可羹鴛可釀三者皆用蓼魴鰕可烝離可燒雉用薌三者

皆無蓼也此

別為一義

方氏慤曰蔥以氣達為蔥於春物生

為宜芥以味辛為介於秋物成為宜故膾用二物以和之韭性溫而生能久春所宜蓼性辛而氣能散秋所宜故豚用二物以和之三牲肉體之大者氣之所聚不能無毒故用藪之辛以散其毒焉和用醯謂三牲也書曰若作和羹爾惟鹽梅醯與梅皆酸也和之以收其味而已

不食雛鼈狼去腸狗去腎狸去正脊兔去尻狐去首豚

去腦魚去乙鼈去醜

去起呂反下竝同尻苦刀反腦如老反

正義鄭氏康成曰皆為不利人也雛鼈伏乳者醜謂

鼈竅也孔氏穎達曰自此至攢之論治擇肉物惡

者及果實之屬陸氏佃曰狼腸直故去腸狗腎熱

故去腎狸脊上一道如界兔尻有九孔豕俯聚精在

腦醫方云豕腦食之昏人精神故去腦方氏慤曰

狐首丘故狐去首爾雅魚腸謂之乙餒自腸始故魚

去乙

存疑鄭氏康成曰乙魚體中害人者名也今東海鰔魚有骨名乙在目旁狀如篆乙食之鯁人不可出陳氏澔曰或云醜頸下骨能毒人

案魚去乙方訓典而確此皆常有之物何必東海鰔魚不言去腸避文複也醜訓鄭得之

肉曰脫之魚曰作之棗曰新之栗曰撰之桃曰膽之祖

梨曰攢之

膽丁敢反攢再官反本又作攢

正義鄭氏康成曰皆治擇之名也 皇氏侃曰脫之

除其筋膜取好處爾雅注李巡云去其骨郭璞云剝其皮作之者取魚搖動之視其鮮餒餒者不食郭云今本作斲謂削鱗也 孔氏穎達曰棗易有塵埃恒治拭之使新栗多蟲數布揀揅省視之桃多毛拭治去毛令色青滑如膽粗梨恐有蟲故一一攢看其蟲孔

通論方氏慤曰爾雅瓜曰華之桃曰膽之棗李曰寔

之櫨梨曰鑽之與此大同小異

存疑孔氏穎達曰或曰桃有苦如膽者去之

牛夜鳴則膺羊冷毛而毳羶狗赤股而躁臊鳥鵠色而沙鳴鬱豕望視而交睫腥馬黑脊而般臂漏離尾不盈

握弗食舒鴈翠鵲鵲胖舒鳧翠雞肝鴈腎鵠奧鹿胃

音廔

由冷音零結毛如羶也毳昌銳反躁早報反鵠劉普保反徐芳表反又普表反沙如字又所嫁反睫音接腥依注作星般音班臂本又作擘必避反徐芳避反漏依注作蟻音棲鵠胡篤反鵠音保奧於六反胃音謂

正義鄭氏康成曰亦皆為不利人也。膺惡臭也。春秋

傳曰一薰一蕕冷毛毳毛別聚於不解者也。孔疏冷謂毛本

稀毳謂毛頭結赤股股裏無毛也。皤色毛變色也。孔疏色不潤澤沙

猶嘶也。鬱腐臭也。案鬱周官作狸望視遠視也。方氏慤曰豕俯首以食病

則首昂莊子所謂豕之亢鼻也腥當為星聲之誤也。案周禮作盲視鄭注以望為正

星肉中如米者。陸氏德明曰說文云腥星見食豕令肉内生小息肉也般臂前

脰般般然也。漏當為螻如螻蛄臭也。舒鴈驚也。翠尾

肉也。鵲鴉胖謂脇側薄肉也。舒鳧驚也。孔疏爾雅釋鳥文李巡云

野曰鴈家曰鵠野曰鳧家曰鶩方氏鵠與脾胝也
鵠曰為人所畜飛不疾而舒故謂之舒

鵠或為鵠也孔氏穎達曰此論臊腥羶臭及諸物

不可食者躁謂舉動急躁交睫謂目眊毛交牛夜鳴

至般臂漏皆與周禮內饗職文同雛謂小鳥尾盈一

握然後堪食若其過小未盈握不堪食也自此以下

因廣言不堪食之物與謂脾胝藏之深奧處吳氏

澄曰夜鳴至般臂言其形之病膂羶臊鬱腥漏言其

臭之惡有此病形必有惡臭其肉皆不宜食也陳

氏澔曰此雛下九物亦不可食

肉腥細者為膾大者為軒或曰麋鹿魚為菹麋為辟雞

野豕為軒兔為宛脾切蔥若薤實諸醢以桑之

麋九倫反辟必

益反徐芳益反宛于晚反脾婢支反醢呼兮反本或作醢

正義鄭氏康成曰為膾為軒言大切細切異名也

孔疏

凡大切若全物為菹細切者為齏

膾者必先軒之所謂聶而切之此

軒辟雞宛脾皆菹類也

孔疏其牲體大者菹之其牲體小者齏之故麋鹿魚野豕

為菹為軒是菹也麋為辟雞兔為宛脾是齏也

釀菜

孔疏菜謂蔥薤

而桑之以醢殺

腥肉及其氣菹軒轟而不切辟雞宛脾轟而切之

孔疏

皆少儀文轟則軒或為胖宛或作鬱孔氏穎達曰

腥也聲相近耳

此明齎菹之異用肉不同言或曰者作記之時無其制舊有此言也少儀不言魚此言魚者記異聞是魚之大者也切蔥若薤或用蔥或用薤肉與蔥薤置諸醋中悉皆濡孰故云柔之

羹食自諸侯以下至於庶人無等大夫無秩膳大夫七十而有閣天子之閣左達五右達五公侯伯於房中五

大夫於閣三士於坵一

食音嗣 坵丁念反

正義鄭氏康成曰羹食食之主也

孔疏凡人所食羹飯為主助以雜物

醬是衆食所須故曲禮云醢醬處內公食大夫禮公設醢醬注以其為饌本也又牲與黍亦諸食之本故

掌客云鼎簋十有二注合言之以俱食主也

庶羞乃異耳

孔疏公食大夫禮下大夫十六

豆上大夫二十豆又周禮掌客云上公食四十侯伯食三十二子男食二十四食謂庶羞美可食者此庶

羞乃異也秩常也無秩膳謂五十始命未甚老也七十有

閣有秩膳也

孔疏六十者比五十有常肉比七十閣則有無肉時 案疏合下宿肉句解閣

以版為之度食物也達夾室大夫言於閣與天子同

處天子二五倍諸侯也

孔疏天子尊庖廚遠故左右夾室各五閤諸侯稍卑庖廚

宜近故殺於天子大夫卑無嫌故亦於夾室案疏

意謂庖廚遠則取之難故多置閤以脩所需諸侯庖

廚近則取之

五者三牲之肉及魚腊

崔氏靈思曰

易故脩者少

宮室之制中央為正室左右為房房外有序序外有

夾室 孔氏穎達曰食謂飯也此謂每日常食若非

依常禮食之外或別有牛羊豕之肉隨時得為羹也

其黍稷稻粱依禮正食之外別有稼穡收穫皆得為

飯故云羹食無等

方氏慤曰食為主羹為配人所

日用者也惟稱有無隨其所宜不制豐殺而預為之等焉雖然此特自諸侯以下而已若王則周官膳夫王日一舉鼎十有二物皆有俎則固有等矣張氏怡曰上言大夫士庶燕食有無以肉食言也此言無等以羹食二者言也閣木為之而高坳土為之而卑此其別也

存疑陸氏佃曰堂上為達公侯伯於房中下天子也左達左夾室前堂右達右夾室前堂大夫言於閣三

則蒙上房中可知 吳氏澄曰士言於坵一疑亦在房中或北堂之角也

案鄭謂達夾室崔氏言序外有夾室其制甚明陸乃謂達夾室前堂夫堂前無牆故顯室有牆故隱豈有堂室混為一者吳謂士坵在北堂之角案東房有北階無北牆故北以半曰北堂恐亦非置坵之所

欽定禮記義疏卷三十九

欽定四庫全書

經部

欽定禮記義疏卷四十

詳校官監察御史_臣莫瞻菴

給事中_臣溫常綬覆勘

總校官庶吉士_臣何思鈞

校對官待詔_臣胡士震

謄錄監生_臣張若湘

欽定四庫全書

欽定禮記義疏卷四十

內則第十二之二

此養老有虞氏以燕禮夏后氏以饗禮殷人以食禮周人脩而無用之凡五十養於鄉六十養於國七十養於學達於諸侯八十拜君命一坐再至瞽亦如之九十者使人受五十異粢六十宿肉七十貳膳八十常珍九十飲食不違寢膳飲從於遊可也六十歲制七十時制八

十月制九十日脩唯絞紵衾冒死而後制五十始衰六十非肉不飽七十非帛不煖八十非人不煖九十雖得人煖矣五十杖於家六十杖於鄉七十杖於國八十杖於朝九十者天子欲有問焉則就其室以珍從七十不俟朝八十月告存九十日有秩五十不從力政六十不與服戎七十不與賓客之事八十齊衰之事弗及也五十而爵六十不親學七十致政凡自七十以上唯衰麻為喪凡三王養老皆引年八十者一子不從政九十

者其家不從政誓亦如之凡父母在子雖老不坐有虞氏養國老於上庠養庶老於下庠夏后氏養國老於東序養庶老於西序殷人養國老於右學養庶老於左學周人養國老於東膠養庶老於虞庠虞庠在國之西郊有虞氏皇而祭深衣而養老夏后氏收而祭燕衣而養老殷人冔而祭縞衣而養老周人冕而祭玄衣而養老

糗知良反絞古交反紵其鴇反本又作紵冒亡報反
煖乃管反朝直遥反下同珍從之從才用反又如字
與音預下同齊側皆反衰七
回反冔況甫反縞古老反

正義鄭氏康成曰記王制有此 孔氏穎達曰記者重錄之後人因而不加慎疑不敢刪易也

通論陸氏佃曰王制主國故先言養國老於上庠後言凡三王養老皆引年八十者一子不從政內則主家故先言三王養老皆引年八十者一子不從政後言養國老於上庠主家以言故無所謂少而無父者謂之孤一節主國以言故無所謂曾子曰孝子之養老也一節主家也故言不從政狹主國也故言不從

政廣所謂家事有以異於國乎無也故內則終之以
凡養老五帝憲三王有乞言一節所謂國事者有以
異於家乎無也故王制終之以父之齒隨行兄之齒
鴈行一節 朱氏申曰瞽亦如之以廢疾者亦非人
不養也

案朱子謂此篇古經而王制漢作是王制采此篇入
之也注已前見故此不具

曾子曰孝子之養老也樂其心不違其志樂其耳目安

其寢處以其飲食忠養之孝子之身終終身也者非終
父母之身終其身也是故父母之所愛亦愛之父母之
所敬亦敬之至於犬馬盡然而況於人乎

樂音洛下同
養羊亮反

正義鄭氏康成曰犬馬盡然賤喻貴也 孔氏穎達

曰此因上陳養老之事遂陳孝子事親之禮飲食忠
養是孝子事親之身終也恐人謂孝子事親至親身
終故解言父母雖沒終竟孝子之身而行孝道與親
在無異至於父母所愛敬犬馬之屬盡須愛敬況於

父母所愛敬之人乎 方氏慤曰忠不欺其親也養之以忠則足以養其志矣 陳氏澔曰忠養以上是終父母之身愛所愛敬所敬則終孝子之身也

凡養老五帝憲三王有乞言五帝憲養氣體而不乞言有善則記之為惇史三王亦憲既養老而后乞言亦微其禮皆有惇史

有音又
惇音敦

正義鄭氏康成曰憲法也養之為法其德行有讀為又又從之求善言以施行也微其禮者依違言之求

而不切也 孔氏穎達曰此論五帝三王養老之禮
五帝養老法其德行三王非但法其德行又從求乞
善言養氣體而不乞言者覆說上五帝憲之法老人
有善德行則記錄之使衆人法則為惇厚之史三王
既法德行又乞善言德行善言皆記之為惇史皆者
皆三代也 呂氏祖謙曰年之貴乎天下久矣五帝
三王皆尊德尚齒然五帝時風氣未開人情惇厚朝
夕與老者親炙其仁義之容道德之光自得於觀感

不言之際三王不及五帝所以有乞言之禮氣味稍薄矣 張氏怡曰有善則記之所重在惇厚之德也故曰惇史三王乞言亦不專恃言微具此禮耳所重亦在惇厚之德故亦有惇史

案五帝雖不乞言而老者有善言則記之故史為惇史所重在憲德也三王則有乞言矣然其乞也重煩老人酬答不懇其必言故史亦為惇史所重原不在言也或曰古人求言必拜此殺其拜跪之禮使老人

安逸亦通

淳熬煎醢加於陸稻上沃之以膏曰淳熬

淳之純反熬五羔反下同

正義鄭氏康成曰淳沃也熬亦煎也沃煎成之以為名孔氏穎達曰自此至為酏論養老須飲食如養親之事明八珍之饌并明羞豆糝饗之等淳熬八珍內一珍之名陸稻陸地之稻以陸稻孰之為飯煎醢使熬加於飯上恐其味薄更沃之以膏使味相湛漬曰淳熬

淳母煎醢加於黍食上沃之以膏曰淳母

母依注音
模食音嗣

正義鄭氏康成曰母讀曰模

孔疏母是禁止之辭
非膳羞之體故讀模

模

象也作此象淳熬

孔氏穎達曰淳母法象淳熬而

為之食飯也謂以黍米為飯黍皆在陸無在水之嫌

故不言陸

炮取豚若將剗之剗之實棗於其腹中編萑以苴之塗
之以謹塗炮之塗皆乾擘之濯手以摩之去其皽為稻
粉糝漉之以為酏以付豚煎諸膏膏必滅之鉅鑊湯以

小鼎薌脯於其中使其湯母滅鼎三日三夜母絕火而

后調之以醯醢

炮步交反將讀牂子郎反到苦圭反剗音牯編必縣反又步典反崔音九苴子

餘反孽必麥反去起呂反蠹章善反糲息酒反又相流反洩所九反鑊戶郭反

正義鄭氏康成曰炮者以塗燒之為名也將當為牂

牂牡羊也

孔疏以經云取豚若將則將是豚類剗剗故知將當為牂聲相近又字體相似剗剗

博異語也

孔疏案易云士剗羊又云剗木為舟意同而語異

謹當為墜聲之

誤也

孔疏謹非泥塗之物聲相近故為墜也

墜塗塗有穰草也

孔疏用之炮豚

須相黏著故知塗有穰草

蠹謂皮肉之上魄莫也糲洩亦博異語

也糴讀與滫瀡之滫同薺脯謂煮豚若羊於小鼎中

使之香美也謂之脯者既去皽則解析其肉使薄如

為脯然唯豚全耳

孔疏案周禮封人有毛炮之豚豚形小故知全體周禮鄭注云毛炮

豚者爛去其毛而炮之豚既毛炮則此詳或亦毛炮

案疏豚全有証詳解究無証蓋炮之時豚全詳亦

全及為脯則詳解豚亦解也

豚羊入鼎三日乃內醯醢可食也

孔氏穎達曰萑亂草也苴裹也編連亂草以裹匝豚

牂裹之既畢塗之擘謂擘去乾塗也手既擘泥不淨

其肉又熱故濯手摩之去其皽膜滅沒也小鼎盛膏

煎熬豚牂膏必沒此豚牂也大鑊盛湯以小鼎之香
脯入於大鑊湯中鑊中之湯無得沒此小鼎若湯沒
鼎恐湯入鼎中令食壞也毋絕火者欲令用火微熱
勢不絕也

存異陸氏佃曰將讀如字若將刳之猶如麋執之先
儒謂獻麋有成禮如之也為稻粉以下一節釋為稻
粉之法

案下言付豚不言付牂似將字不必讀牂但若將二

字究無著不如依注讀牂也為稻粉皆緣豚牂而設
故經云以付豚陸謂另作一節非矣蓋經下言豚不
言牂者省文也

擣珍取牛羊麋鹿膚之肉必胙每物與牛若一捶反側
之去其餌孰出之去其𩇑柔其肉

胙音每徐亡代反餌
音二本或作𩇑下句

𩇑作
餌

正義鄭氏康成曰胙脊側肉也

孔疏脊側肉美今擣
以為珍宜取美處

捶擣之也餌筋腱也

孔疏𩇑為皮膜則餌
為筋腱即筋之類

柔之為汁

和也汁和亦醢醢與

孔疏上炮豚炮牂調以醢醢下漬亦食之以醢若醢故知擣珍

和亦醢醢

陳氏浩曰與牛若一謂與牛肉之多寡均也

反捶之又側捶之去其筋餌既熟乃去其皴膜而柔

之以醢醢 陸氏佃曰異言牛大牲也

案羊麋鹿麇小牛大不能相稱言或以羊與牛或以鹿與牛二物相稱合擣之必用牛者牛土畜補益最多故也

存異陸氏佃曰此言擣珍則上所謂淳熬等物非珍

也周官珍用八物即此牛羊麋鹿豕狗狼是與餌讀如合以為餌煎之之餌言去其餌則當以物為餌孰之可知

案周禮膳夫珍用八物不詳其名鄭注以此淳熬淳母炮豚炮牂擣珍漬熬肝膏實之呂原明謂炮不宜分益之以糝固本經所有陸氏所云八物亦非本經所無與注疏並存可也但以經言擣珍而謂上淳熬等物非珍後又謂淳亦珍則自相矛盾須知牛羊麋

鹿等八者其物也其所以為珍則在乎淳熬淳母炮
擣八者之精耳至於餌字援下合以為餌則去字如
何解

漬取牛肉必新殺者薄切之必絕其理湛諸美酒期朝
而食之以醢若醢醢

湛子潛反直蔭反
又將鳩反期音暮

正義鄭氏康成曰湛亦漬也 陸氏佃曰期朝謂周
一朝 陳氏澔曰絕其理橫斷其文理也

為熬捶之去其皽編萑布牛肉焉屑桂與薑以灑諸上

而鹽之乾而食之施羊亦如之施麋施鹿施麇皆如牛

羊欲濡肉則釋而煎之以醢欲乾肉則捶而食之

灑所買反

鹽音艷又如字乾而食一本無而食之三字濡音儒下同

正義鄭氏康成曰熬於火上為之也今之火脯似矣

欲濡欲乾人自由也醢或為醢孔氏穎達曰作熬

之法於牛如上所陳若施設於羊亦如牛也食熬之

時唯人所欲若欲得濡肉則以水潤澤而煎之以醢

也

通論方氏慤曰曲禮言濡肉齒決蓋由製造之異故食之不得不異也

總論鄭氏康成曰此七者周禮八珍其一肝膋是也糝取牛羊豕之肉三如一小切之與稻米稻米二肉一合以為餌煎之

正義鄭氏康成曰此周禮糝食也

孔疏周禮醯人羞豆之食配食糝食

故云然

孔氏穎達曰三如一謂取牛羊豕之肉等分

如一稻米二肉一者謂二分稻米一分肉也

通論陸氏佃曰三如一不異言牛同是三牲之一施之也

肝膋取狗肝一幪之以其膋濡炙之舉焦其膋不蓼

幪音

蒙焦又作

焦子消反

正義鄭氏康成曰膋腸間脂舉或為巨孔氏穎達

曰舉皆也謂炙膋皆焦也陸氏佃曰上言養老繼

之以此文王世子所謂養老之珍具也

通論呂氏希哲曰上八者所謂珍用八物也據正文

淳熬也淳母也炮也擣珍也漬也熬也糝也肝腎也
注疏非是

存異陸氏佃曰珍用八物其為品六一擣二漬三熬
四糝五肝腎六酖言為熬在上為酖在下熬隆於用
火也周官糝食即此糝酖食即此酖三相參為糝所
謂稻米二肉一合以為餌煎之是也兩相差池為酖
所謂小切狼臠膏以與稻米為酖是也然則淳熬淳
母所謂糝餌粉飧是與其謂之淳亦珍也然進於珍

凡物以淳為珍

案周官珍用八物原未詳名鄭注既以淳熬至肝腎當之而此經忽雜糝一節於肝腎之上呂陸諸人遂有異同致成聚訟案朱子明言此數節疑有脫誤則安知糝非原在肝腎之下與醢為類而誤錄在肝腎之上乎況本文原無八珍字面亦何容嘵嘵也

總論孔氏穎達曰鄭意八珍一淳熬二淳母三四炮豚若牂五擣珍六漬七熬八肝腎記文不次故肝腎

在糲下

取稻米舉糲漉之小切狼臍膏以與稻米為醅

醅讀為餐之然

反又之善反

正義鄭氏衆曰為醅以酒醅與稻米為餅 鄭氏康

成曰狼臍膏臍中膏也以煎稻米則似今膏臍矣

疏孔

似漢時膏臍以煎稻米鄭舉時事以說之

此周禮醅食也此醅當從餐

疏孔

以醅是粥非是膏煎稻米故改醅從餐也

案醅是粥不可為豆實後鄭既破醅為餐仍以為醅

食配字從酒則先鄭所謂餅即後鄭所謂饍也

總論朱子曰內則一篇文理密察法度精詳見古先
聖王所以厚人倫美教化者無所不用其全某疑中
閒似有難看處如飯黍稷稻粱止大夫於閣三士於
坵一二節與上下文似不相蒙豈特載此因以著夫
貴賤品節之差邪又凡養老止玄衣而養老一節疑
王制之重出不然亦豈先王之成法因子事父母而
達之天下以及人之老哉又曾子曰一節雖承上章

養老之文而云然此篇既曰后王命冢宰降德於衆
兆民則是古昔盛時朝廷所下教命恐不應引到曾
子之言疑是他簡脫誤在此又凡養老五帝憲至皆
有惇史一節疑錯簡恐或當在上文玄衣而養老之
下又淳熬止以與稻米為酏一節亦疑錯簡恐或當
屬上文冬宜鮮羽膳膏羶及雉兔皆有芼之下自此
外數節上下井井有條獨此未易曉暢

案此篇依朱子說分析屬之極順若曾子曰一節則

謂承上養老之文者得之蓋此篇雖多古經亦必曾
子之徒所錄故因記師說以明之其首云后王降德
亦記者語見此所錄皆古王者之教耳不必定是朝
廷所下教命也

禮始於謹夫婦為宮室辨外內男子居外女子居內深
宮固門閤寺守之男不入女不出

閤音
昏

正義鄭氏康成曰閤掌守中門之禁也寺掌內人之
禁令也 孔氏穎達曰自此至當夕論夫婦男女及

內外之別又明妾與適妻尊卑相降之等 劉氏彞
曰男子居外女子居內各正其德業易曰閑有家閑
以防之於細微之初 方氏慤曰國之本在家故禮
始於謹夫婦易基乾坤詩首關雎皆始於謹夫婦之
意也

男女不同櫛栴不敢縣於夫之櫛栴不敢藏於夫之篋
笥不敢共湑浴夫不在斂枕篋簟席褥器而藏之少事

長賤事貴咸如之

櫛同栴以支反栴音嫁縣
音元櫛音輝笥息吏反

正義鄭氏康成曰竿謂之櫬櫬杙也

孔疏爾雅櫬謂之杙在牆謂之

櫬郭璞云植曰櫬橫曰櫬同類之物也

夫不在斂枕篋等歲之不敢褻

也咸皆也

陸氏佃曰枕有篋簟席有櫬皆器而歲

之黃氏震曰夫不在謂夫出也此斂歲之事凡少

事長賤事貴皆如之

吳氏澄曰夫婦得相親者且

如此則非夫婦者其明微厚別又當何如

夫婦之禮惟及七十同歲無間故妾雖老年未滿五十

必與五日之御將御者齋漱澣慎衣服櫛縱笄總角拂

髻衿纓綦屨雖婢妾衣服飲食必後長者妻不在妾御

莫敢當夕

間徐去聲皇如字與音預齊爭皆反下皆同澣音浣

正義鄭氏康成曰及猶至也夫婦七十同歲無間衰
老無嫌也五十始衰不能孕也妾閉房不復出御矣
此御謂侍夜勸息也將御者其往如朝也角字衍拂
髦或為繆髮雖婢妾衣服飲食必後長者人貴賤
不可以無禮也妻不在妾御莫敢當夕辟女君之御
日也

孔疏此謂卿大夫以下故注云女君

孔氏穎達曰夫婦唯至七

十同處居歲無所閒別若未七十婦雖六十以下則
猶閒居妾五十不御則妻雖五十以上猶得與也妾
恒避女君之御日非但不敢當女君之御日猶不敢
當夕而往故詩小星云肅肅宵征夙夜在公 方氏
慙曰將御者必齊漱澣者所以致潔敬也妾御莫敢
當夕者所以避上僭之嫌也 朱氏申曰年未五十
尚能孕育五日一御所以廣傳嗣之道也

存異鄭氏康成曰五日一御諸侯制也諸侯取九女

姪娣兩兩而御則三日也次兩媵則四日也次夫人

專夜則五日也天子十五日乃一御

孔疏周禮九嬪鄭注云御女之

法卑者宜先尊者宜後女御八十一人當九夕世婦二十七人當三夕九嬪九人當一夕三夫人當一夕后當一夕十五日而徧望後反之夫人姪娣卑於兩媵故先大夫一妻二妾則三日御徧士一妻一妾則二日御徧妾恆避女君之御日即自當御猶不敢當一夕見星往還

陸氏佃曰鬻用

組乃笄又曰鬻笄用桑長四寸角非衍字總角拂髻

女未笄之飾今服以御言若未足以當君子也故邦

君之妻自稱曰小童 吳氏澄曰夫婦七十同藏則

不敢歲於夫之篋笥蓋年未七十者

案周禮無夫人惟言九嬪世婦女御皆不言數曲禮
言天子有后有夫人有嬪有世婦有妻有妾公侯有
夫人有世婦有妻有妾皆不言數惟昏義后立六宮
三夫人九嬪二十七世婦八十一御妻與王之三公
九卿二十七大夫八十一元士相配鄭氏據此謂周
特設百二十女官與夏之男官相配又據其數以分
進御之日考白虎通義謂天子諸侯皆娶於三國九

女法地之九州又言天子娶於四國十二女法天之十二月則天子之所御者九嬪止矣周官有六卿無三公蓋三公三孤不必備大約六卿兼之則三夫人亦不必備必德尊望重外則命公侯之夫人為之內或九嬪兼之世婦內亦或九嬪兼之如六卿之兼三孤外則命卿大夫之妻無之故周禮春官有世婦曰每宮卿二人大夫四人所謂世婦命於奠爾者內世婦其他則皆從男子者外世婦則內世婦之無定數

更可知矣若女御則后嬪進御之日以給使令故曰
掌叙御於王之燕寢初非王所當御也若君私幸之
則如衛州吁曰嬖人之子不得與所娶三國姪娣所
生之子同非如鄭氏之說也 又案女子年十五即
未許嫁亦笄矣豈有既嫁當御而猶總角者陸謂服
以御謬吳氏割首二句屬上章亦謬蓋此歲字乃寢
息之意與上歲字迥別觀敬姜於禮老而愈嚴豈有
七十即廢男女内外之辨而衣服可歲於夫之篋笥

者

妻將生子及月辰居側室夫使人日再問之作而自問之妻不敢見使姆衣服而對至於子生夫復使人日再問之夫齊則不入側室之門子生男子設弧於門左女子設悅於門右三日始負子男射女否

見賢遍反下同
姆音茂一音母

復扶又反
齊側皆反

正義鄭氏康成曰側室謂夾之室次燕寢也

孔疏夫
正寢在

前燕寢在後側
室又次燕寢旁

作有感動也夫齊不入若始時使人

問也

孔疏今雖動作以齊故亦使人問之

弧者示有事於武悅者事人

之佩巾表男女也負之謂抱之而使向前也男射始有事也 孔氏穎達曰以下論國君至庶人生子之

禮此一節未生至始生及月辰謂生月之辰初朔之日也生子不於夫正室及妻之燕寢必於側室者以正寢燕寢尊故也 輔氏廣曰側室是妾之常居夫使人日再問之者愛而不失於狎敬而不失於疏妻不敢見雖病不敢忘禮使姆衣服而對雖遽不敢失

禮 陳氏澂曰姆女師也

通論方氏慤曰古之人重男女之別非特見於弧帨而已男則寢於牀之尊女則寢於地之卑其衣之也男以畫服之裳女以夜服之裼其美之也男以所有事之璋女以所有事之瓦

存異孔氏穎達曰妻居側室則妾亦當然故春秋傳云趙有側室曰穿是妾之子也 陸氏佃曰言衣服則姆代服其服以對與

案妻常居適室妾常居側室此只月辰所遷耳疏引左傳反混姆衣服而對亦謂姆整潔其衣乃對以示敬耳非謂姆可服夫人內子之服也 又案青史氏

之記曰古者胎教之道王后腹之七月而就宴

案賈氏新

書作

室太師持銅而御戶左

案銅謂律管

太宰持升

案新書作

斗而御戶右太卜持蓍龜而御堂下

案此將卜名

諸官皆

以其職御於門內比三月王后所求聲音非禮樂則太師撫樂而稱不習所求滋味非正味則太宰荷升

不敢煎調曰不敢以待

案新書作侍

王太子賈誼新書曰

太子生而泣太師吹銅曰聲中某律太宰曰滋味上

某太卜曰命云某然後為王太子劉向列女傳曰婦

人妊子寢不側坐不邊立不蹣

案蹣蹣同

不食邪味割不

正不食席不正不坐目不視邪色耳不聽淫聲夜則

令瞽誦詩道正事三條可補記文之缺備錄之

國君世子生告于君接以大牢宰掌具三日卜士負之

吉者宿齋朝服寢門外詩負之射人以桑弧蓬矢六射

天地四方保受乃負之宰醴負子賜之束帛卜士之妻

大夫之妾使食子

接方如字鄭音捷齊側皆反朝直遙反射天地食亦反

正義鄭氏康成曰詩之言承也

孔疏詩含神霧云詩者持也以手維持則

承奉之義謂以手承下而抱負之陳氏澔曰儀禮尸酢主人詩懷之亦承義

桑弧蓬矢本

太古也

孔疏桑與蓬皆質素之物

天地四方男子所有事也保保

母保受乃負之代士也醴當為禮聲之誤也禮以一

獻之禮賜之束帛酬之以幣也

孔疏約士昏禮禮賓酬幣之法此士負子

故還用士禮

士妻大夫之妾時自有子使之

孔疏使其食子須有乳汁

故知時自有子者

孔氏穎達曰此論國君世子生及三日

負子及食之法

劉氏彞曰男子生必卜求吉士負

之以行接子之禮俾射人桑弧蓬矢射天地四方者

明傳先王之道承祖父之付必有德政以達天地四

方是假桑蓬以申其志焉

方氏慤曰卜士負子既

得吉卜然後宿齋朝服敬之至也保受乃負之蓋士

之負子特為斯須之禮而已

陳氏澔曰宰宰夫也

掌具掌其設禮之具也

輔氏廣曰醴士而不及射

人士負我者也射人我所使也固不可同矣諸母則
擇之乳母則卜之者豈非性情之發尚猶可見而氣
血之相宜有不可知者邪 徐氏師曾曰士卑故言
妻大夫稍尊故止言妾

通論孔氏穎達曰射禮唯四矢者謂天地非射事所
及唯禦四方故止四矢 皇氏侃曰士之妻大夫之
妾隨課用一人

案此止乳食之故止一人若師保則有三母

桓六年左傳

云卜士負之士妻食之不云有大夫妾文畧也 方

氏慙曰桑非弓榦之上者蓬非矢材之勁者取用之
見有其志未備其事而成人有漸也 陸氏佃曰嬰
兒多類乳母食母豈可不擇哉

存疑鄭氏康成曰接讀為捷捷勝也謂食其母使補
虛強氣 又曰食子不使君妾適妾有敵義不相褻
以勞辱事也 案適妾不可解且妾則何敵義之有 王氏肅曰以大牢

接待夫人 劉氏彞曰接者繼續之謂諸侯有宗廟
社稷人民傳付非輕夫人始生世子有繼續之道故

接引其子俾有立志 陸氏佃曰醴讀如字醴以禮

之冠禮曰乃醴賓一獻之禮

案士冠禮注亦以醴為禮

案接即下接子非接夫人鄭王皆誤也劉謂繼續則止可言諸侯世子與下凡接子統大夫士言相碍陸謂禮之以醴於義可通但即禮之以酒亦未嘗不可一獻也

凡接子擇日冢子則大牢庶人特豚士特豕大夫少牢國君世子大牢其非冢子則皆降一等

正義鄭氏康成曰凡接子擇日三日之內尊卑必皆

選其吉焉冢子天子世子也

孔疏下云國君世子大牢既別言國君世子故

知此冢子謂天子世子也

冢大也冢子猶言長子通於下也

孔疏恐冢

子之名唯施天子世子故云通於下知者以下云其非冢子明庶人大夫士等皆有其號

用特豚

四者皆謂長子非冢子謂冢子之弟及衆妾之子天

子諸侯少牢大夫特豕士特豚庶人猶特豚也

孔疏士特

豚則庶人全應無牲今以禮窮與士同故云猶特豚

陸氏佃曰曰國君世子

大牢為其接以大牢同於王冢子也是以盛言之盡

其辭焉耳且推國君而遠之使不偏上也又以著自
庶人積隆至是窮矣蓋禮窮則同也 孔氏穎達曰
此一節論國君以下至庶人以上接子牲牢之異并
適庶不同

通論孔氏穎達曰此三日接子之禮牲牢如此若三
月名子之時則與此異故下文云具視朔食

案接子即上三日始負此又言擇日者或離生日數
之或并生日數之擇其吉者朱子曰或記異聞也孔

謂三日負子之後又擇日似誤

異為孺子室於宮中擇於諸母與可者必求其寬裕慈惠溫良恭敬慎而寡言者使為子師其次為慈母其次為保母皆居子室他人無事不往

正義鄭氏康成曰異為孺子室於宮中者特埽一處以處之諸母衆妾也可者傳御之屬也子師教示以善道者慈母知其嗜欲者保母安其居處者士妻食乳之而已

孔疏師慈保各有其事故知上士妻但乳食之

此人君養子之禮

也他人無事不往為兒精氣微弱將驚動也 孔氏
穎達曰此諸侯選擇諸母及養子之法 劉氏彝曰
寬則容德固多裕則臨事不撓慈則仁性豐盈惠則
恩意浹洽溫則言動粹和良則心意純淑恭則容止
必莊敬則誠明不散具此八善而加之以畏慎將之
以寡言婦人之全德也然後可以為子之師焉若夫
愛子以德時其志意體其寒溫察其好惡相其寢興
順其長育者慈母之職也保護其身衛養其氣時其

衣服節其飲食侍其寢寐防其疾苦而專司負之者
保母之職也 方氏慤曰諸母與曲禮不淑裳之諸
母同擇於諸母將使之為子師也雖非諸母而其德
如下所言可以為師者亦擇之故曰與可者

通論孔氏穎達曰士不具三母大夫以上則具故喪
服小功章君子為庶母慈已者鄭注獨言慈母舉中
以見上下是知大夫有三母也 劉氏彝曰世子國
之根本弗正厥始終戕其性矣弗淑其習烏能正厥

性俾近於聖賢哉 吳氏澄曰慈母子之傳也子方
生而三母已具師傅保之職也及其長則有少師少
傅少保之官焉

三月之末擇日翦髮為髻男角女羈否則男左女右是
日也妻以子見於父貴人則為衣服由命士以下皆漱
澣男女夙興沐浴衣服具視朔食夫入門升自阼階立
于阼西鄉妻抱子出自房當楮立東面

髻丁果反徐大
果反鄉去聲楮

音 着

正義鄭氏康成曰髻所遺髮也夾囟曰角

孔疏囟是首腦之上

縫故說文云十其字象小兒腦不合也夾囟兩旁當角之處留髮不翦

午達曰羈

孔疏儀禮

注云一從一橫曰午今女翦髮留其頂上從橫各一相交通達

貴人大夫以上也由

自也朔食天子大牢諸侯少牢大夫特豕士特豚也

孔氏穎達曰自此至如養禮明卿大夫以下名子

之法側室亦南嚮故有阼階西階

方氏慤曰角則

耦羈則奇取陰陽之相須也或男左而女右取陰陽

之相類也

陳氏澂曰嚴氏云夾囟曰角兩髻也午

達曰羈三髻也 徐氏師曾曰大夫以上特為新衣

命士以下亦皆浣衣以致潔也具視朔食以示豐也

存疑鄭氏康成曰夫入門者入側室之門也

孔疏上文妻將

生子居側室至此三月之末未有妻出之文則恆在側室大夫以下見子就側室

見妾子於內寢辟人君也 孔氏穎達曰但卿大夫

之室唯有東房妻抱子出東房與夫相對

辨正孔氏穎達曰文雖據大夫士天子諸侯亦當然

也

案妾以子見父於側室宜也若妾見子於內寢而妻見子反於側室可乎疑此是妻之正寢妻先復已正寢待於房文不具耳故下適寢是往夫之燕寢

存異徐氏師曾曰櫺棟下橫木俗謂之櫺枋

案鄉射禮記序則物當棟堂則物當櫺注五架之屋正中曰棟次曰櫺前曰廡賈疏中脊為棟棟前一架為櫺櫺前接檐為廡則棟為中脊櫺乃中脊前後二架之橫棟名朱子釋宮所謂中脊之架曰棟次棟之

架曰楮也徐氏棟下橫木之說大誤

姆先相曰母某敢用時日祇見孺子夫對曰欽有帥父
執子之右手咳而名之妻對曰記有成遂左還授師子

師辨告諸婦諸母名妻遂適寢

相息亮反咳戶才反
還音旋辨音遍下同

正義鄭氏康成曰某妻姓若言姜氏也祇敬也或作
振欽亦敬也帥循也欽有帥言教之敬使有循也執
右手明將授之事也記猶識也識夫之言使有成也
師子師也後告諸母名成於尊也適寢復夫之燕寢

案此亦入御而不言御尊妻不敢褻也

孔氏穎達曰此論母以子見

父及父名子妻遂適寢之事傳姆在母之前而相佐其辭孺稚也夫對妻言訖以一手執子右手以一手

承子之咳而名之

方氏慤曰孩子咳之則笑故謂之咳陳氏澔曰說文咳小兒笑聲

父作咳聲笑容以示慈愛案如孔疏則咳當作類矣如方說則咳屬子如陳說則咳屬父但父引子類父作笑聲而子亦笑其義通也或曰使之啼笑聽其聲即知其性情善惡而後名之妻對夫言

訖遂左嚮迴還轉身西南以子授師也諸婦謂同族卑者之妻諸母同族尊者之妻方氏慤曰左還授

師順陽道也 陸氏佃曰夫曰敬有帥妻曰敬有成
帥之者父道成之者母道也

夫告宰名宰辯告諸男名書曰某年某月某日某生而
歲之宰告閭史閭史書為二其一歲諸閭府其一獻諸
州史州史獻諸州伯州伯命歲諸州府夫入食如養禮

辯音徧養
羊尚反

正義鄭氏康成曰宰謂屬吏也春秋書桓六年九月

丁卯子同生

孔疏此據卿大夫以下而引春秋者欲證明子生年月日之事

四閭為

族族百家也閭胥中士一人五黨為州州二千五百

家也州長中大夫一人皆有屬吏

孔疏皆周禮地官史閭之屬吏則有

問史州之屬吏則有州史也

獻猶言也夫入已見子入室也

案妻已適

寢夫遂入寢同牢而食

其與妻食如婦始饋舅姑之禮也

孔疏案士

昏禮婦盥饋舅姑特豚合升側載右胖載之舅俎左胖載之姑俎大夫以上則無文以下妾生子見子之禮如始入室知此養禮如始入室養舅姑之禮

孔氏穎達曰此卿大夫以

下故以名徧告同宗諸男若諸侯則不告也諸男舉

其卑者卑者尚告則告諸父可知書名而藏之謂以

簡策書子名而歲之家之書府州伯則州長也州府
是州長之府歲 彭氏汝礪曰如養禮敬妻之有所
出而能不負乎始饋之初意亦示將有為人舅姑之
端也

餘論陸氏佃曰據此閭有府史州亦有府史而周官
不言閭胥州長鄉遂之官也其府史胥徒王以委之
自辟與 黃氏乾行曰命名即告州閭使歲諸府將
俟其長而就閭塾也以承教訓以受征役以稽德行

以應賓興皆始於是古法如此安有時過後學老壯不均冒年冒籍如後世之弊哉

世子生則君沐浴朝服夫人亦如之皆立于阼階西鄉
世婦抱子升自西階君名之乃降

朝直遙反鄉去聲

正義鄭氏康成曰子升自西階則人君見世子於路寢也見妾子就側室諸侯夫人朝於君次而祿衣也

孔疏既在路寢與君同著朝服則是以禮見君合服展衣注云祿衣者謂子見訖則當進入君寢侍御於君故服進御之服也
孔氏穎達曰此明人君見世子之禮前

文卿大夫妻見適子之時既有父執右手咳而名之
及戒告之辭其文既具故於見世子之禮畧而不言
其實世子亦執右手咳而名之及戒告也 陳氏誥
曰諸侯朝服玄端素裳夫人亦如之者亦朝服也

彭氏汝礪曰君沐浴朝服重世嗣也

存疑鄭氏康成曰凡子生皆就側室 陸氏佃曰不
言三月之末嫌緩不言執其右手咳而名之嫌慢皆
非所以言世子故也上下比義可知

案賈誼新書曰帝見世子朝服升自阼階上西鄉妃抱世子自房出帝執禮稱辭命世子曰授太祖太宗與社稷於子者三其命也妃曰不敢者再於三命曰謹受命拜而退大史以告大祝大祝以告太祖太宗與社稷大史出以告大宰大宰以告州伯州伯命歲之州府凡諸貴以下至於百姓男女無敢與世子同名記有國君世子生無天子世子生亦錄之以補其闕又案君世子見於君之路寢庶子見於側室則

君之子非妾出者見於君之適寢可知又此篇文重在適庶之辨不特妾子名庶子即同適出而非長亦謂之適子庶子而其禮不得同於適矣以適有繼世之責故特命之曰欽有帥若執右手則示之事咳之則示之愛人無不有事子無不愛者不嫌同也賈誼言天子之妃見世子亦親抱而諸侯世子乃世婦抱者避天子也大夫不世無嫌故妻親抱之非特以不抱尊夫人也若服則孔疏展衣為是既見子而入御

易祿衣何難孔知其非而不駁疏例不駁注也

適子庶子見於外寢撫其首咳而名之禮帥初無辭

適丁

厯反下同

正義鄭氏康成曰外寢君燕寢也

案后六寢在內王六寢在外諸侯寢

在外夫人寢在內此云外者對夫人之寢言非對側室言也若專就王寢言則又燕寢內路寢外

無

辭辭者謂欽有帥記有成也

孔氏穎達曰見適子

庶子威儀依循初世子之法但無戒敕之辭 彭氏

汝礪曰適子庶子者適夫人所生次子適子親弟也

專言適子者君夫人所生適長子專言庶子者妾所
生撫首謂以手撫循其頭也

通論方氏慤曰適子庶子止見於外寢則世子見於
路寢可知

存異鄭氏康成曰此適子謂世子弟庶子妾子也

孔氏穎達曰適子見於外寢庶子則見於側室但撫
首咳名無辭之事同故連文云見於外寢其實庶子
見於側室也妾之見子不得與夫人同當與卿大夫

之妻見適子同

案見子之禮世子於路寢適庶子於燕寢庶子於內寢升降秩然又此經蒙上文妻生子而來其為夫人之子可知鄭氏謂此適子為世子弟是矣謂庶子為妾子非也蓋連言適者異之乎妾子也又言庶者異之乎世子也若曰適之庶子云耳若此庶子果為妾子則下公庶子一條為重出矣孔氏謂撫首咳名無辭之事同因連文云見於外寢以斡旋鄭注然有君

賜名之衆子使有司名之即咳名之事亦不得從同也

凡名子不以日月不以國不以隱疾大夫士之子不敢與世子同名

正義鄭氏康成曰不以日月不以國終使易諱不敢

與世子同名尊世子也先世子生亦勿為改

孔疏春秋衛襄

公名惡其大夫有齊惡齊惡先衛侯生與衛侯同名故鄭知先生者不改也

杜氏預曰

隱疾隱痛疾患不名避不祥也

通論馬氏晞孟曰臣先世子生名不改君子不奪人名不奪人親之所名重其所從來也為臣而與君同名則特稱字而已 陸氏佃曰名子不以日月不以國不以隱疾正也其又致曲則不以山川曲禮是也其又加詳焉則不以官不以畜牲不以器幣春秋是也凡所謂不以名子者國君之禮也故春秋傳曰以官則廢職以山川則廢主以畜牲則廢祀以器幣則廢禮晉以僖侯廢司徒宋以武公廢司空先君獻武

廢二山

存疑鄭氏康成曰隱疾諱衣中之疾難為醫也

妾將生子及月辰夫使人日一問之子生三月之末漱
澣夙齊見於內寢禮之如始入室君已食徹焉使之特

餒遂入御

齊側
皆反

正義鄭氏康成曰內寢適妻寢也禮謂已見子夫食

而使獨餒也

孔疏尋常夫食之後衆妾共餒
今以其生子故使之特餒也

如始入

室始來嫁時妾餒夫婦之餘亦如之

孔疏昏禮夫婦
同牢之後媵餒

夫餘御餽婦餘若妾初嫁來夫既見子可以御此謂婦共食此妾特餽今亦如之也

大夫士之妾也凡妾稱夫曰君

孔疏妾賤故謂夫為君

孔氏

穎達曰此論大夫妾生子之禮異於適子之法也宮室之制前有路寢次有君燕寢次夫人正寢卿大夫以下前有適室次有燕寢次有適妻之寢以其稱內故知是適妻寢也妻見子遂適夫寢未即進御後夫入食如養禮乃進御此云見子遂入御言其異正妻也輔氏廣曰妾生子而禮之如始入室特餽以寵

之然其分不可得而易也 彭氏汝礪曰日一問不及妻之再問也 漱潁風齊敬其事也

通論陸氏佃曰此言漱潁風齊下言沐浴朝服相備也

案妻寢曰內寢則上外寢為夫寢可知妾所常居在適妻寢房側室故於生子不容復言側室且曰見於內寢明乎所居之非寢不與妻同也 又案漱潁風齊經不言何人以下公庶子準之則其妾也

公庶子生就側室三月之末其母沐浴朝服見於君擯者以其子見君所有賜君名之衆子則使有司名之

正義鄭氏康成曰擯者傳姆之屬也有司臣有事者也 孔氏穎達曰此明君庶子生及三月見父異於世子之禮 陸氏佃曰庶子言就側室則世子不就側室可知其母沐浴朝服則君不沐浴朝服可知

存疑鄭氏康成曰人君尊雖妾不抱子有賜於君有

恩惠也

孔疏君偏所愛幸則君自名其子

存異孔氏穎達曰前文已云適子庶子見於外寢異於世子今此更重出者以前文庶子與適子連文恐事事皆同適子故以此經特見庶子之法案前注云凡子生皆就側室今特云庶子就側室者舉庶子則世子可知

案就側室妾常居側室故就而見之與及月辰居側室者異也大夫之庶子猶見於內寢公庶子并不得於內寢而於側室者大夫卑適庶子猶相近君尊適

庶子相去遠也諸侯庶子父在生母無服大夫父在
為母大功義亦如此又案天子之妃曰后其世子
親抱之帝曰授太祖太宗社稷於子諸侯世子見君
不言授社稷於子諸侯社稷聽命於王非所敢專則
夫人不親抱世子避王也大夫士妻抱子卑無嫌也
鄭謂諸侯尊雖妾不抱子不教之驕情歟又內官不
過九御其秩賜有常如外官五命賜則六命賜官之
例四命以下未賜故有賜不賜之異而孔釋為君偏

愛幸不且以淫破義以私亂法乎恐不可訓

庶人無側室者及月辰夫出居羣室其問之也與子見父之禮無以異也

正義鄭氏康成曰夫雖辟之至問妻及見子之禮同也庶人或無妾孔氏穎達曰此論庶人之禮庶人無側室故夫出辟之若有側室則妻在側室夫自居正寢

凡父在孫見於祖祖亦名之禮如子見父無辭

正義鄭氏康成曰見子於祖家統於尊也父在則無

辭有適子者無適孫與見庶子同也

孔疏適子既在其孫猶為庶孫

無所傳重故與見庶子同

父卒而有適孫則有辭與見冢子同

孔疏

所生適子其父既卒則適孫與長子相似當有辭也

父雖卒而庶孫猶無辭也

孔氏穎達曰此論孫見祖之禮卿大夫以下之事

父之於子有傳重之事故有告戒之辭今孫見於祖而隔於父故無辭也 應氏鑄曰辭者夫婦所以相授受也祖尊故有其禮而無其辭

食子者三年而出見於公宮則劬大夫之子有食母士

之妻自養其子

食音嗣下
食母同

正義鄭氏康成曰士妻大夫之妾食國君之子三年
出歸其家劬勞也君有以勞賜之大夫之子食母選
於傅御之中喪服所謂乳母也士之妻賤不敢使人
孔氏穎達曰此論國君以下及大夫士適妻養子
之人尊卑有別 陳氏澂曰子三年則免懷抱故食
者出還其家見於公宮而告辭

由命士以上及大夫之子旬而見冢子未食而見必執

其右手適子庶子已食而見必循其首

上時掌反
適丁歷反

正義鄭氏康成曰已食未食急正緩庶之義也 朱

子曰旬謂十日也別記異聞或不待三月也 張氏

怡曰未朝食而見冢子重之也執其右手示將授以
事也適庶子則朝食後見示稍後也不執手但拊循
其首而已

存異鄭氏康成曰旬當為均聲之誤也有時適妄同

時生子子均而見者以生先後見之

孔疏雖見有先後同是未食之

前故云均而見

既見乃食辟人君也天子諸侯尊別世子雖

同母禮則異矣

孔疏知冢子以下為天子諸侯禮者以上文適庶均見是大夫士禮此有

食前食後之不同故知是天子諸侯也未與后夫人禮食先見冢子是急既禮食乃見適子庶子是緩其

禮異

陸氏佃曰言子既見之後凡旬一見也

應氏

鏞曰子固以禮見於父父則欲時時見之又不可瀆故每旬而一見之若庶人則簡畧易通故不必以旬而見彭氏汝礪曰三月名子自諸侯及庶人之所

同三日接子諸侯之所獨蓋諸侯備禮而易行士與大夫禮未必備則或待旬焉

辨正朱子曰此說疑鄭失之承記大夫禮而又別其冢適庶子之異同冢子之禮仍與前章同唯適子庶子為異耳

案此一節通論命士大夫之見子及冢子適庶之別以補前義本文明言自命士以上不應冢子以下忽及天子諸侯也鄭謂適庶子同見以生先後見之則

庶子先生反先適子而見矣同見無別先後倒置聖人適庶之辨必不然也朱子謂見子或早不待三月彭氏謂接子或遲不及三日則接與見二禮本文言見不言接彭恐非也陸應之說益瑣而拘矣

子能食食教以右手能言男唯女俞男鞞革女鞞絲

食食

上如字下音嗣唯於癸反鞞步干反

正義鄭氏康成曰俞然也孔氏穎達曰此論男女

自幼少教之之事方氏慤曰教以右手取其強男

女所同 彭氏汝礪曰同於言而唯直俞婉同於帶而革勁絲柔則男女之異也

存異鄭氏康成曰鞶小囊盛悅巾者男用韋女用縐

有飾緣之則是鞶裂與

孔疏言男女鞶囊之外更有縐帛之物緣而飾之疑而未

定故稱與

詩云垂帶而厲紀子帛名裂繡字異意同

辨正陳氏祥道曰古者革帶大帶皆謂之鞶內則所謂男鞶革帶也春秋傳所謂鞶厲大帶也易言鞶帶揚子言鞶悅以至許慎服虔杜預皆以鞶為帶特鄭

氏以男鞶革為盛悅之囊誤也詩言垂帶而厲毛萇
杜預皆以厲為帶之垂者特鄭氏以而厲為如裂亦
誤

總論王氏圻曰自此至篇末總言教子之禮以見古
人男女莫不有教且其教之常預而有漸如此

六年教之數與方名七年男女不同席不共食八年出
入門戶及卽席飲食必後長者始教之讓九年教之數
日十年出就外傳居宿於外學書計衣不帛襦袴禮師

初朝夕學幼儀請肄簡諒

後胡豆反數去聲數日之數上聲禱又作禱禱告故反肄

以二反

正義鄭氏康成曰方名東西也

案數謂十百千萬方謂上下前後南北東

西凡物皆有名於身耳目手足於人父母兄弟以及器用鳥獸草木皆是

不同席共食蚤

其別也教之讓示以廉恥也數日朔望與六甲也外

傳教學之師也不用帛為襦袴為太溫傷陰氣也

陳氏

選曰亦以防奢也

禮師初導習先日所為也

孔疏行禮動作皆師循初日所

為

肄習諒信也請習簡謂所書篇數請習信謂應對

之言

方氏慤曰必請乃習不敢專也

孔氏穎達曰自此至尚左手

論教男子從幼及長居官至致事之事學幼儀者從朝至夕學幼少奉侍長者之儀方氏慤曰書周官

保氏六書

案周官保氏鄭注象形會意轉注處事假借諧聲

計即九數

案周官注

九數者方田粟米差分少廣商功均輸贏不足方程旁要今有重差夕桀句股也

以數必計

多寡故又謂之計焉

通論方氏慤曰經曰父之齒隨行兄之齒鴈行行之出入固欲其讓也曰衽席之上讓而坐下觴酒豆肉

讓而受惡則坐與飲食又欲其讓由是推之則無所往而不讓矣出就外傳曾子問所謂古者男子外有傳是矣自學書計而下皆就外傳所學之事朝夕學幼儀者至此乃可責以事長之禮若昧爽而朝日入而夕之類 陸氏佃曰十年以後有學無教 馬氏晞孟曰以奇乘耦剛柔雜比以相成曰文以始一二而生之至無窮故曰字以可以記事故曰書文言其形字言其法書言其用 輔氏廣曰襦袴下服不用

帛然則上服猶用帛也禮帥初者前已教之遜讓禮之端也朝夕學幼儀者則至是不容有暇也有暇則又請習簡諒矣

案尚書大傳言年十三入小學白虎通義言八歲入小學此言十年就外傳貴賤異與傳聞異與或原有不必拘者與

十有三年學樂誦詩舞勺成童舞象學射御二十而冠始學禮可以衣裘帛舞大夏惇行孝弟博學不教內而

不出

冠古亂反衣於既反行如字又丁孟反弟音悌

正義鄭氏康成曰先學勺後學象文武之次也

熊氏安生

曰勺用籥文舞之小者象用干戈武舞之小者案朱子言勺即酌也酌之詩言於鑠王師似勺為武矣先儒謂惟清之詩為象似象為文矣禮言下管象左傳言象箭南籥象吹以管而舞以籥則勺之為武未可定而象之非武斷可知也

成童十五以上

孔疏以年尚幼故習小舞

大夏樂

之文武備者

孔疏大夏禹樂禪代之後干戈之前故文武備

內而不出謂為

人謀慮也

孔氏穎達曰二十成人血氣強盛無慮

傷損故可以衣裘帛博學不教者謂廣博學問不可

為師教人內而不出者蘊畜其德在內而不得出言

為人謀慮

程氏復心曰射有五

案周官注五射者白矢參連剡注襄

尺井儀

御有五

案周官注五御者鳴和鸞逐水曲過君表舞交衢逐禽左

程子曰

舞中節射中鵠御中度皆誠也童而習之不特精其

藝亦可以養其誠

張子曰古者教童子先以舞者

欲柔其體也心下則氣和氣和則體柔教胄子必以

樂欲其體和也學者志則欲立體則欲和 方氏慤

曰惇行孝弟前之教讓學幼儀孝弟之道已知之至

此惇而行之期於熟也

通論程子曰古者家有塾黨有庠遂有序故未嘗有不入學者八歲入小學十五擇其秀者入大學不可教者歸之於農三老坐於里門出入察其長幼進退揖讓之序至於閭里鄉黨之間如三百五篇之類人諷誦要之莫非止於禮義之言十三又使之舞象然則雖未能深知義理興起於詩其心固已善矣案禮有六吉凶軍賓嘉而不別言之者冠昏喪祭鄉

相見士皆有之即宗廟會同願為小相未嘗不可習其禮軍亦於田獵習之也前已言始教之讓禮帥初學幼儀而此云始學禮者既成人乃有事於鄉國之通禮也樂兼聲容歌詩習舞皆於平日講究至於臨用則必因其時地而後施之故無荒謬僭越之患大夏為六樂之一文武具備於既冠後所宜學者非必朱干玉戚而後可舞也

三十而有室始理男事博學無方孫友視志四十始仕

方物出謀發慮道合則服從不可則去五十命為大夫

服官政七十致事凡男拜尚左手

孫音遜
去如字

正義鄭氏康成曰室猶妻也男事受田給政役也

孔疏

三十丁壯受其田土供給
征役韓詩說三十受兵

方猶常也無方言學無常

在志所好也孫順於友視其所志也物猶事也方物

言常事也服官政統一官之政也七十致其事於君

而告老左手陽也孔氏穎達曰四十壯而仕言年

壯仕官行其常事無所謙遜出其謀計發其思慮以

為國也 張子曰博學無方猶知類通達 朱子曰

方物出謀則謀不過物方物發慮則慮不過物方猶對也此方以窮理 方氏懋曰有室則有父道焉理男事者父道也孫有自卑之意書曰惟學遜志所取之友有賢否則所存之志有遠近故以遜友而視其志也事人之道有合則有否故有從必有去合否在彼有命存焉從去在我有義存焉 輔氏廣曰博學不教內而不出獨善而已博學無方孫友視志則善

足以及人矣 王氏圻曰四十始仕為士以事人治官府之小事也五十為大夫以長人與聞邦國之大事也四十而始仕不躁進也七十必致仕不固位也中間三十年盡力於王事不負所學也

餘論程子曰古之為士者自十五入學至四十始仕中間二十五年有事於學又無利可趨則其志可知此所以成德故古之人必四十乃仕然後志定業成後世立法自童稚即有汲汲利祿之誘何由向善

案三十而博學無方先王育才之深使之久而成四十始仕先王用才之嚴不使躁於進

女子十年不出姆教婉婉聽從執麻枲治絲繭織紵組

紃學女事以共衣服觀於祭祀納酒漿籩豆醢醢禮相

助奠

婉紃晚反婉音晚又音萬枲思里反繭古
典反紃女金反紃音巡共音恭相息亮反

正義鄭氏康成曰不出恒居內也婉謂言語也婉之

言媚也媚謂容貌也

孔疏案九嬪注婦德貞順婦言
辭令婦容婉婉婦功絲枲則婉

婉合為婦容鄭以此上下備其四德以婉為婦言婉
為婦容聽從為婦順執麻枲以為婦功案鄭注周

禮以婉婉為婦容此又分婉為婦言祭義言婉容婉
非言也能言教之俞婦言已在其前矣則周禮注為
當存此以備
一義可也
紉條也
孔疏紉為繒帛組紉俱條也薄闇為組似繩者為紉

祭祀以下當及女時而知

孔疏未嫁之前於廟外觀納酒漿六者於神坐故云

及女

孔氏穎達曰自此至右手論女子自幼及嫁

為女事之禮

方氏慤曰聽則有所受從則無所違

皆女德也執麻枲績事也治絲繭蠶事也織以機紉

以箴組綬屬凡此皆學女事以共衣服之用也觀於

祭祀則欲其習熟是事故也

十有五年而笄二十而嫁有故二十三年而嫁聘則為妻奔則為妾凡女拜尚右手

正義鄭氏康成曰十五而笄謂應年許嫁者女子許嫁笄而字之其未許嫁二十則笄有故謂父母之喪聘問也妻之言齊也以禮聘問則得與夫敵體妾之言接也聞彼有禮走而往焉以得接見於君子也奔或為銜右手陰也 方氏慤曰笄者婦人首飾蓋成人之服也夫男子冠則有成人之禮女子笄則當許

嫁之時矣聘言由彼而問此奔言自此而趨彼

案有故不特女遭父母喪也男親迎有吉日而舅姑
死致命女氏女氏許諾而弗敢嫁亦二十三而嫁也
通論方氏慙曰嫁止於二十娶必止於三十者陰以
少為美陽以壯為強故也然經亦舉其大畧耳故王
氏謂二十而不嫁則非禮男子三十而娶四十而仕
推此可知 黃氏震曰朱子周禮九擗辨惟稽首頓
首為手引頭至地三曰空首則頭至手不至地矣九

曰肅拜最輕但俯下手軍中拜及婦人拜也案古者
席地而坐以手引頭屈伏向地即為拜其勢易也是
古之拜與今之拜不同軍中有介冑婦人有首飾皆
不可俯伏故但俯手謂之肅拜

總論張氏怡曰男教之陽德服男事女教之陰德習
女儀盡天下男女夫婦而曲成之此先王所以降德
於兆民也

欽定禮記義疏卷四十